

四庫全書

子部

欽定四庫全書

子部

北堂書鈔卷四十二至
七

詳校官中書臣金應琦

員外郎臣牛稔文覆勘

總校官庶吉士臣倉聖脉

校對官助教臣胡予襄

謄錄監生臣苗序洙

欽定四庫全書

北堂書鈔卷四十二

唐 虞世南 撰

明 陳禹謨 補註

政術部

亡徵四十一

亡國四十二

亡徵四十一

山崩川竭亡之徵也

史周本紀
幽王二年

國家將亡必有妖孽

國家將亡神又降之

左傳

夏之亡也回祿信於聆隧

國語注云

回祿火神再宿為信聆隧地名補

商之亡也夷羊在牧

國語注云夷羊神獸牧商郊牧

野鬼哭山鳴 帝王世紀云殷紂六月雪或雨赤血也

黃神嘯吟

淮南子云夏桀之時

五星錯行

世紀云

三川皆震

史記周本紀云幽王二年西周如之

桀失玉

鏡

帝書命云

秦失金鏡

尚書考靈曜云

亡金虎

河圖云金虎喻秦君也

亡玉羊

易緯云泰山失金雞西岳亡玉羊也

秦有三七之厄

漢武故事

漢家運衰

漢書

紀赤精漸微 漢南記序云

天奪之監

左傳云虢公敗戎於桑田郭偃曰虢必亡矣

天降時喪

檠弧箕服寔亡周國

史記周本紀云幽王嬖褒姒

楚矢

箕服是喪王國

璣語

其細已甚是其先亡

左傳

伐智而專事

汲冢周書史記解云昔者曲集之君伐智而專事忠良皆伏愉州氏伐之君孤而無使曲集以亡

補復諫

而好勝

韓非子亡微篇云狼剛而不和復諫而好勝不顧社稷而輕為自信者可亡也

補狠而

無親

史記解云狠而無親者亡昔者縣宗之君狠而無聽執事不從宗職者疑發大事羣臣解體國無立

功縣宗以亡狠而無聽上

大心無悔國亂自多

亂而自多不料境內之資而易其隣敵者可亡也

補期而不當言而不信

世紀云殷紂

喜淫不周於法

亡微篇云喜淫而不周於法好辯說而不求其用濫於文麗而不顧其功者可

亡也

聽以爵不待參驗

亡微篇云聽以爵不待參驗用一人為門戶者可亡也

補恃

交接而簡近鄰

亡微篇云恃交接而簡近鄰怙强大之救而侮所迫之國者可亡也補

簡

侮大臣無禮父兄

亡微篇云簡侮大臣無禮父兄勞苦百姓殺戮不辜者可亡也補

親

臣進而故人退不肖用事而賢良伏

亡微篇云親臣進而故人退不肖用

事而賢良伏無功貴而勞苦賤如是則下怨下怨者可亡也補

挫辱大臣而狎其身刑

戮小民而逆其使

亡微篇云挫辱大臣而狎其身刑戮小民而逆其使懷怒思恥而專習則

賊生賊生者可亡也補

羣臣易慮

亡微篇云太子已置而娶於強敵以為后妻則太子危如是則

羣臣易慮羣臣易慮者可亡也補

臣怒生變

史記解云昔者有巢氏有亂臣而責任之以國假之

以權擅國而主斷君已而奪之臣怒而生變有巢以亡補

以智矯法以私褻公

亡微篇云

好以智矯法時以私謀公法禁
變易號令數下者可亡也補

淺薄而易見漏洩而無

藏

亡徵篇云淺薄而易見漏洩而無藏不能周密而通羣臣之語者可亡也補

怯懼而弱守

蚤見而心柔懦

亡徵篇云怯懼而弱守蚤見而心柔懦知有謂可斷而弗敢行者可亡也補

多怒而好用兵

亡徵篇云主多怒而好用兵簡本教而輕戰攻者可亡也補

饕貪而

無饜

亡徵篇云饕貪而無饜近利而好得者可亡也補

后妻淫亂主母畜穢

亡徵

篇云后妻淫亂主母畜穢外內混淆男女無別是謂兩生兩生者可亡也補

后妻賤而婢妾

貴

亡徵篇云后妻賤而婢妾貴太子卑而庶子尊相室輕而典謁重如此則內外乖內外乖者可亡也補

女子用國刑餘用事

亡徵篇云不為人主之孝而慕匹夫之孝不顧社稷之利而聽主母

之令女子用國刑餘用事者可亡也補

婢妾之言聽愛玩之智用

亡徵篇云婢妾

之言聽愛玩之智用外內悲惋而數行不法者可亡也補

輕其適正庶子稱衡

亡徵篇云

輕其適正庶子稱衡太子未定而主即世者可亡也補

太子卑而庶子尊

見上大臣

兩重父兄衆強

亡徵篇云大臣兩重父兄衆強內黨外援以爭事勢者可亡也補

嬰兒

為君大臣專制

亡徵篇云嬰兒為君大臣專制樹羈旅以為黨數割地以待交者可亡也補

權專於臣刑專於民

史記解云樂專於君者權專於臣刑專於臣則刑專於民君娛於樂

臣爭於權民盡於刑有虞氏以亡補

減爵損祿禁罰不行

史記解云斧小不勝柯者亡昔

有鄒君嗇儉減爵損祿羣臣卑讓上下不臨禁罰不行重氏伐之鄒君以亡補

貴臣相妬大臣

隆盛

亡徵篇云貴臣相妬大臣隆盛外藉敵國內困百姓以攻怨讎而人主弗誅者可亡也

國小

而家大權輕而臣重

亡徵篇云凡人主之國小而家大權輕而臣重者可亡也

命

將太重任守太尊

亡徵篇云出軍命將太重邊地任守太尊專制擅命徑為而無所請者可

亡也

大臣甚貴偏黨衆強

亡徵篇云大臣甚貴偏黨衆強壅塞主斷而重擅國者可

亡也

官職可以重求爵祿可以貨得

亡徵篇云官職可以重求爵祿可以

貨得者可

寵露百姓煎靡貨財

亡徵篇云好宮室臺榭陂池事車服器玩好罷

露百姓煎靡貨財者可亡也

亡國四十二

亂其紀綱乃底滅亡

赫赫宗周滅為亡國

潘岳西征賦云桀

以奢亡紂以淫敗

說苑云

頭懸赤旗

王孫書云桀紂為君

赴火而死

史記殷本紀

按汲冢周書曰時甲子夕商王紂取天

智玉琰縫身厚以自焚凡厥有庶告焚玉四十五日武

王乃俾於干人求之四千庶則

成周西傾

揚子

宗周既

銷天智玉五在火中不銷補

既

滅

奔南巢

世紀云

避宣室

漢書王莽傳云火及掖庭承明黃皇室主所居也莽

避火宣室前殿火輒隨之宮人婦女譟譟曰當奈何時

莽紺袍服帶璽韜持虞帝匕首天文郎按箴於前日時

加某莽旋席隨

倒戈而戰

世紀

瓦解而走

淮南

殺豨飲血

斗柄而坐補

殺豨飲血

漢書王莽傳云莽遣使者分赦城中諸獄囚徒皆授

兵殺豨飲其血與誓曰有不為新室者社鬼記之補搏

心大哭

漢書王莽傳云崔發言周禮及春秋左氏國有大災則哭以厭之故易稱先號咷而後笑宜呼

嗟告天以求赦莽自知敗迺率羣臣至南郊陳其符命本末仰天曰皇天既命授臣莽何不珍滅衆賊即令臣莽非是願下雷霆誅臣莽因搏心大哭氣盡伏而叩頭又作告天策自陳功勞千餘言諸生小民會旦夕哭為設殮粥甚悲哀及能誦策文

係頸以組奉符璽

史記秦始皇本

紀云子嬰為王四十六日楚將沛公破秦軍入武關遂至霸上使人約降子嬰子嬰即係頸以組白馬素車奉天子璽符降

輿觀自縛詣壘門

蜀志云後主與觀自縛詣軍壘門鄧艾解縛焚

輿延請相見

補按晉諸公贊曰

賜陽人地

史記莊襄王元年大

赦罪人修先王功臣施德厚骨肉而布惠於民東周君與諸侯謀秦秦使相國呂不韋誅之盡入其國秦不絕

其祀賜以陽人地補按地理志河南梁縣有陽人聚附為歸漢王帝願黔黎其誰

聽惟請死而獲可

文選潘岳西征賦云野蒲變而成脯苑鹿化以為馬假讒賊以天權鉗衆

口而寄坐兵在頸而顧問何為不早而告我願黔黎其誰聽惟請死而獲可逮子嬰之果決敢討賊以舒禍勢

土崩而莫振作降王於路左補按風俗通云秦相趙高指鹿為馬東蒲為脯二世不覺附竟橫噬於

虎口輸文武之神器

潘岳西征賦云踰十葉以逮赧邦分崩而為二竟橫噬於虎口輸文

武之神器補按文選濟注曰葉代也自敬王元王定王哀王思王考王威王烈王安王而及赧王十代周分為

二赧王都王城號西周立考王後惠公少子於鞏為東周二周竟為秦所滅虎口喻秦也文王武王神器之位

皆輸之於秦也附天下無主四十九年史記正義曰按赧王卒後天下無主三十五年

七雄並爭至秦始皇立天下一

補

三后之姓於今爲庶左傳

史墨對
趙簡子
戎成不退
饑成不遂

北堂書鈔卷四十二

欽定四庫全書

北堂書鈔卷四十三

唐 虞世南 撰

明 陳禹謨 補註

刑法部

刑總一

刑者法五行

白虎通云刑所以五何法五行也又曰科條三千者應天地人情也補

法者

象四時

管子

象天道而行刑

刑法志云書所謂象刑也

因天討而作刑

漢書刑法志云刑罰威獄以類天之震曜殺戮也故聖人因天討而作五刑大刑用甲兵其次用斧鉞中刑用刀鋸其次用鑽鑿薄刑用鞭撻大者陳諸原野小者致之市朝其所繇來者上矣補五刑者五常

之鞭策

白虎通云

刑罰威獄類天震曜

見上

刑罰威獄使民畏

忌

左傳太叔對趙簡子

刑者成也一成不變

刑者教也質罪示

終

孝經鈎命訣云

刑以正刑

臧榮緒刑德志云

刑以輔教

尸刑以明威

漢書云制禮以崇敬作刑以明威補刑期無刑

刑以正邪

左傳設刑罰者

明有懼也

白虎通云懸罰賞者示有勸也設刑罰者明有所懼也補嚴斷刑罰以威

其淫

左傳

刑法所以懲過

刑法所以助治

白虎通云聖人治天下必

有刑法何所以
佐德助治也

明于五刑以弼五教
惟敬五刑以成

三德 紀之以刑

國語管子云勸之以賞賜紀之以刑罰

齊之以刑 明

慎用刑

明慎刑罰

後漢書

聖君任法

管子云聖君任法而不任智

聖

王立法

韓子

正法直度

管子云正法直度罪殺不疑

明法正義

法立

私善不行

慎子云有道之國法立則私善不行

使法民莫之犯

韓子云董闕于為上

地守行石邑山中澗深峭如牆深百仞因問其旁鄉左右曰人嘗有入此者乎對曰無有曰嬰兒癡聾狂悖之人嘗有入此者乎對曰無有牛馬犬彘嘗有入此者乎對曰無有董闕于喟然太息曰吾能治矣使吾治之無赦猶入澗之必死也則人莫之敢犯也何為不治之補

有道之君重變法

韓子置法

不變

管子云黃帝之治天下置法不變使民安泰

以道變法

慎子云守法不變則衰以道變

法者君長也

刑德制臣

韓子

法令治民

商子

齊刑以綜真偽

傅玄云善

惡相蒙故齊之以刑也

張法以制陸梁

阮子云漁人羅於淵以制吞舟之魚明主張法天下

以制陸梁之士也

敬宗廟尊社稷

韓子荆王有茅門法見前

立朝廷

管子理人

情劉恭國之脂澤

韓子云賞罰者國之脂澤粉黛也

國之大信

馮奉世

民之鞭策

尸子云刑罰者民之鞭策也

法嚴如火

傅玄云法之嚴如火烈

罰擬

秋霜

抱朴子云明君罰擬秋霜而無詭時之嚴

抑暴扶弱難犯易避

刑法志元帝詔

曰夫法令者所以抑暴扶弱

釋法思治堯不能正一國

韓子

刑罰不

中則民無所措手足 同罪異罰非刑也 夏有亂政

而作禹刑 商有亂政而作湯刑 周有亂政而作九

刑三辟之興皆叔世也 上並左傳 為禁令者急於未然 物理論云

為禁令者急之於未然寬之於已發 為法者宜舉其要 傳子云塞一蟻孔而河決息掩一車

輶而覆 治則刑重亂則刑輕 刑法志云殺人者死傷人者刑百王之所同未有知

其所由來者也 鞭扑不可弛於家刑罰不可廢於國 刑法

志又云征伐不可偃於天下用之有本末行之有逆順耳補按呂氏春秋古之賢王有義兵而無偃兵家無怒

咎則豎子嬰兒之有過也立見國無刑罰則百姓之互相侵也立見天下無誅伐則諸侯之相暴也立見故怒

答不可偃於家刑罰不可偃於國誅伐不可偃於天下有巧有拙而已矣刑法志本此附刑肅俗弊

法重民惡

說苑云殷法棄灰於街者刑

德薄任刑

文子云道狹任智德薄任刑

強國爭刑

管子

惟刑之恤

其審克之

五帝有流殛放

殺之誅三王有大辟刻肌之刑

東觀梁統傳云是以五帝三王之刑除殘去亂

臯陶作刑

呂氏春秋

伯夷作刑

世本

八刑糾萬民

周禮司徒職云以鄉八刑

糾萬民一曰不孝之刑二曰不睦之刑三曰不姻之刑四曰不弟之刑五曰不任之刑六曰不恤之刑七曰造

言之刑八曰亂民之刑

五刑糾萬民

周禮司寇職云以五刑糾萬民一曰野刑上功糾力二曰

軍刑上命糾守三曰鄉刑工德糾孝四曰官刑上能糾職五曰國刑上愿糾暴鄭玄注云糾察異也

司刑

掌五刑之法以麗萬民之罪

周禮司刑掌五刑之法以麗萬民之罪墨罪五百劓

罪五百宮罪五百劓罪五百殺罪五百補按鄭注云墨黥也先刻其面以墨室之劓截其鼻也今東西夷或以墨劓爲俗古刑人亡逃者之世類與宮者丈夫則割其勢女子閉於宮中若今宦男女也劓斷足也周改贖作劓殺死刑也書傳曰決闕梁踰城郭而畧盜者其刑贖男女不以義交者其刑宮觸易君命革與服制度姦軌盜攘傷人者其刑劓非事而事之出入不以道義而誦不詳之辭者其刑墨降畔寇賊劫畧奪攘擄虐者其刑死此二千五百罪之目畧也 附五服三就 五刑五用 大刑用斧鉞

大罪陳原野

刑法志云

出入不以道義者其刑墨 革

輿服制度者其刑劓

踰城郭而盜者其刑贖

男女

不義交者其刑宮

降叛寇賊劫掠者其刑死

並書大傳殺

王親者辜之

周禮掌戮職云凡殺王之親者辜之注云親為總麻也

行偽而堅言

偽而辨學非而博以疑衆殺

析言破律亂名改作執

左道以亂政殺

假於鬼神時日卜筮以疑衆殺

作

淫聲異服奇技奇器以疑衆殺 改衣服易禮刑則放

尸子

棄灰者刑

韓非子云般之法棄灰於街者刑子貢以重問之仲尼仲尼曰棄灰於街必燔

人人必怒怒則闕闕則三族相殺然則雖刑之可也

補 偽金棄市

漢書景帝六年改諸官名定鑄

錢偽黃金棄市律

按應劭曰文帝五年聽民放鑄律尚未除先時多作偽金偽金終不可成而徒損費轉相

誰耀窮則起為盜賊故定其律也孟康曰民先時多作
偽金故其語曰金可作世可度費損甚多而終不成民
亦稍知其意犯者希因此定律也有爵者殺之于甸師周禮掌戮職云
有爵者殺之于甸師氏公侯有罪聲于甸人刑人于市

北堂書鈔卷四十三

欽定四庫全書

北堂書鈔卷四十四

唐 虞世南 撰

明 陳禹謨 補註

刑法部

聽訟二

象刑三

肉刑四

贖刑五

聽訟二

子曰聽訟吾猶人也必也使無訟乎 凡聽五刑之訟

必原父子之親立君臣之義 明辟以聽訟聽之棘木

之下

禮記王制云

五聲聽獄訟

周禮小司寇云以五聲聽獄訟求民情一曰辭聽二曰色

聽三曰氣聽四曰耳聽五曰目聽補釋曰按下五事惟辭聽一是聲而以五聲目之者四事雖不是聲亦以聲為本故也按呂刑云惟貌有稽在獄定之後則此五聽亦在要辭定訖恐其濫失更以五聽觀之以求民情也

附 三刺斷獄訟

周禮司刺職云掌三刺三宥之法以贊司寇聽獄訟一刺曰訊羣臣再判曰訊

羣吏三判曰訊萬民一宥曰不識再宥曰過失三宥曰遺忘

補三宥聽獄訟上兩造具

備師聽五辭 五辭簡孚正于五刑 五刑不簡正于

五罰 五罰不服正于五過

知法者省刑

漢書刑法志云古之

知法者能省刑

惟良折獄哀敬折獄

片言折獄

察其情色

魏志胡質云

動不失情

察其要辭

明于單辭

非從惟

從

惟察惟法

意論輕重之序慎測淺深之量

附

從輕赦從重

罪疑惟輕

刑故無小

青災肆赦怙

終賊刑

閱實其罪

意苟不惡釋而無罪

董仲舒

意惡

功遂不免於誅

漢薛宣傳

不可曲生意

後漢郭躬云君王法天刑不可以委曲生

意不假以喜怒

以怒增刑

漢雜事篇云博士申威也

疑獄汜與衆

共之

罪疑者令羊觸之

論

決獄觀壁

賈子云梁嘗有疑獄乃召朱公

而問之朱公曰臣鄙人也不知當獄然臣家有二白壁其色相如也其徑相如也然其價一者千金一者五百金王曰徑與色澤皆相如也一者千金一者五百金何也朱公曰側而視之其一者厚倍之是以千金王曰善故獄疑則從去

治獄如水

桓子新論

穆公明於聽訟

尸子云秦穆公

明于聽獄斷刑

定國治獄精明

于定國傳

丙吉處度得所

風俗通云陳留富公

年九十無子娶田家女為婦一交接便絕氣後生得男其女爭財丙吉決之

何武原情得理

于公所決皆不隱情

說苑云定國父號于公為縣獄吏決曹掾決獄平法未嘗有所

冤郡中罹文法者于公所決皆不敢隱情

郭公所決退無怨情

後漢郭躬傳躬父弘習小

杜律太守寇恂以弘為決曹掾斷獄至三十年用法平諸為弘所決者退無怨情郡內比之東海于公補按躬

為廷尉家世掌法務在寬平及典理官決獄斷刑多依矜恕乃條諸重文可從輕者四十一事奏之事皆施行

著於令注曰小杜律者杜周武帝時為廷尉御史大夫斷獄深刻少子延年亦明法律宣帝時又為御史大夫

對父故言小陳寵平治無所不服漢雜事云陳寵為司徒于

公所決皆不恨于定國傳長婦盜兒詰責具服風俗通云穎川有富家兄

弟婦爭子三年不決丞相黃霸決之後人爭繚悉歸本主薛宣能決獄也在家之

女從父之制既醮之婦從夫之戮王隱晉書何曾云文姜去氏

孔叢禽獸處之搜神記云漢靈帝時燕代有三男共娶一婦生四子范廷壽斷子從母定

公失席

郝婁定公

穆公失教

尸子云秦穆公明於聽獄斷刑曰寡人不敏教不至

決獄

不當援刀自割

淮南子云越王如是

如得其情哀矜勿喜

象刑三

唐虞象刑

畫衣冠異章服

刑法志云

犯墨者蒙巾

以下並書大傳

犯劓者赭其衣

犯臠者象其臠

又云犯臠者以墨濛其臠處而畫之

犯

大辟者衣無領

又云犯大辟者布衣無領

畫跪當黥

以下並慎子

草纓當

劓

履扉當劓

艾鞞當宮

按晉刑法志云犯黥者皂其中犯劓者丹其服犯臠

者墨其體犯宮者雜其履大辟之罪殊刑之極布其衣裾而無領緣補

肉刑四

害輕全重去死取生

肉刑論 按漢除肉刑除墨劓剕耳大隋開皇之初始除男子宮刑

婦人猶閉於宮補

劓象七政

臙象七精

墨象斗度

並德刑考臙

去節木

禮統

大辟法水之滅火

白虎通云大辟者謂死也

宮者法土之

壅水

又云宮者女子淫執置宮中不得出也丈夫淫割去其勢也

臙者法金之剋木

又云脫其臙也

劓者法木之穿土

墨罪五百

宮罪五百

刑罪五百

殺罪五百

已上並周禮司刑職法見前

墨者使守門

周禮

字殘職鄭玄注云

劓者無妨於禁御

關者使守闕

鄭玄注云截鼻亦無妨以貌醜速之宮者

使守內

鄭玄注云以其人道絕也

別者使守圜

鄭玄注云斷足驅衛禽獸無急行

贖刑五

金作贖刑

書奔典云

誤者之試

張斐律序云贖罰誤者之試

墨辟疑赦其

罰百鍰

剗辟疑赦其罰惟倍

宮辟疑赦其罰六百

鍰

大辟疑赦其罰千鍰

甲兵贖死

管子令齊桓公制重罪贖以犀

甲一戟輕罪楯一戟注云謂征伐不足也

補

贖死金二斤

贖囚金四兩

諸侯不敬皆贖論

八議得減皆收贖

已上並晉律

入錢

五十萬減死

漢武帝紀天漢四年秋九月令死罪入贖錢五十萬減死罪一等

買爵三

十級免罪

漢書惠帝紀云民有罪得買爵三十級以免死罪按應劭曰一級直錢二千凡為六萬若

今贖罪入三十疋繡矣師古曰今出買爵之錢以贖罪補

北堂書鈔卷四十四

欽定四庫全書

北堂書鈔卷四十五

唐 虞世南 撰

明 陳禹謨 補註

刑法部

杖刑六

徒刑七

流刑八

死刑九

族刑十

獄刑十一

幽囚十二

律令十三

杖刑六

鞭作官刑

扑作教刑

夏楚收威

用威如狼

釋名曰槌

而死曰掠狼也

用威如狼

蒲鞭

續漢書云劉寬為南陽太守遇民如子吏有罪以蒲鞭示其恥也

法

杖

晉令云應得法杖者以小杖過五寸者稍行之

竹篋長五尺

刑法志云請笞者篋長五尺其

本大一寸其竹也末薄半寸皆平其節也

按刑法志又云當笞者笞臀如淳注曰然則先時笞背也母得更

人卑一罪乃更人師古注曰謂行笞者不更易人也補

生荆長六尺

晉令云杖皆用荆長六尺

制杖大頭圍一寸尾三分半

生革去四廉

又云鞭皆用牛皮生革廉或法鞭生革去四廉

立

秋施鞭扑

乃施鞭扑

笞者無更人

刑法志

丁郎不就郎

杖之數十

三輔決錄云丁郎選為郎托疾不就詔問實病否曰實不病恥以孝廉為令史職耳世祖

怒杖之

白袞表出濤詔杖五十

王隱晉書山濤傳曰武帝以山濤為司徒頻讓

不許濤出遂歸家為左丞白袞所奏詔杖袞五十

濤除尚書僕射加侍中領吏部久不攝職為左丞白袞

所奏帝曰濤以病自閒不得有所問濤表謝曰陛下不

可以一老臣為加曲私乞如所表帝再手詔曰白袞奏

君甚妄所以不即推

直不喜齒赫耳張儀掠笞數百

史記張儀傳云儀從楚相飲亡壁意

儀盜之傅咸受罰大重

傅咸傳云楊濟與咸書曰昨遣

笞數百與咸書曰江海之流混混故能成其深廣也天下大器

了也了事正作
癡復為快耳補

遣拒上命財如罪黜

傅咸云楊濟與書云

上捐雲

根下拂地足

世說云桓公在荊州全欲以德被江漢恥以威刑肅物令史受杖正從朱衣上過桓

式年少從外來云向從閣下過見今史受杖上捐雲根下拂地足意識不著桓公云我猶患其重按劉孝標

注曰式桓歆小字桓氏譜曰
歆溫第三子仕至尚書補

徒刑七

城旦三歲

張蒼定律諸當髡者完為城旦春滿三歲為鬼薪白粲鬼薪白粲一歲入于隸臣妾隸臣

妾一歲免為庶人隸臣妾滿二歲為司寇司寇一歲及作如司寇二歲皆免為庶人補

司寇二歲

見任人以事

周禮司圜職掌收教罷民凡害人者弗使冠飾而加明刑焉任之以事役諸

司空

司寇職云以嘉石平罷民凡萬民之有罪過而未麗於法而害於州里者桎梏而坐諸嘉石云云

男子入於罪隸

司厲職云其奴男子入于春槩補

圜土罰人而

不虧財

周禮司圜職云凡圜土之刑人也不虧體其罰人也不虧財按註云言其刑人但加以明刑

罰人但任之以事耳補

收教罷民

又云掌收教罷民

聚教罷民

周禮司寇職云以圜

土聚教罷民

上罪三年而舍

中罪二年而舍

下罪一年

而舍

並周禮司圜職

髡頭衣赭

風俗通云秦始皇遣蒙恬築長城令徒卒皆髡頭衣赭

秋

落之象

髡

英布為黥徒

漢書云黥布姓英氏少時客相之當刑而王及壯坐法布欣然

笑曰人相我當刑而王幾是乎人有聞者共戲笑之布以論輸驪山驪山之徒數十萬人布皆與其徒長豪傑

交通後為

九江王補曹宗為城旦

曹參傳云參世孫宗有罪免為城旦

許歷完士

王粲

云許歷為完士

一言猶敗秦 劉楨輸作

典畧云太子嘗請文學酒酣坐歡命夫人甄氏出拜坐中

衆人咸伏而楨獨平視太祖聞之乃收楨減死輸作也

流刑八

五流有宅

分北三苗

流宥五刑

舜流共工

禹

疏儀狄

淮南子

流共工於幽州

大戴禮云宰我曰請問帝堯孔子曰堯舉舜彭祖而

任之四時先民治之流共工於幽州以變北狄放驩兜於崇山以變南蠻殺三苗於三危以變西戎殛鯀於羽

山以變東夷補

居禱於四裔

左傳投之四裔以禦魑魅蓋指四裔補

殺三苗於

三危以變西戎

放驩兜於崇山以變南蠻

並大戴禮見上

不

韋遷蜀

司馬遷答任安書云
不幸遷蜀世傳呂覽

淮南遷蜀

文帝紀云六年
淮南王長謀反

徒蜀

蔡邕徒朔方

後漢蔡邕傳初邕與司徒劉郃素不相平叔父衛尉質又與將作大匠楊

球有隙球即中常侍程璜女夫也璜遂使人飛章言邕

質數以私事請托於郃郃不聽邕含隱切志欲相中於

是詔下尚書召邕詰狀論棄市有詔減死一等與家屬髡鉗徒朔方補

禦魑魅

見上徒不毛

死刑九

象天之刑

書刑德教考云大辟之屬二百象天之刑

如水滅火

白虎通云大辟謂死也如

水滅火磔之於市

刑法志云中元二年改曰棄市注曰先時死刑皆磔之於市今改曰棄市

體分散

釋名曰車磔曰輶輶散也

失道之刑

孔叢子云齊王行車磔之刑犀臣諫不聽子高

見齊王曰聞君行車磔之刑竊為下吏之過齊乃除車磔之刑

上不及天下不及地

律晉

註云梟斬棄之於市者斬頭也今上不及天下不及地也

考得其情竟命於獄

釋名曰死

因日考得其情

狂喬亂法易教

韓子曰太公望東封於齊海上賢者名狂喬太

公望聞之往請焉三却焉於門而狂喬不報見也太公誅之周公曰狂喬天下賢者也何為誅之太公曰喬也

義不臣天子不友諸侯

少正順非而澤

家語云孔子為魯司寇攝相朝

政七日而誅少正卯門人進問孔子曰天下有大惡者五而竊盜不與焉一曰心逆而險二曰行辟而堅三曰

言偽而辨四曰記醜而博五曰順非而澤此乃人之姦雄不可不誅也按王肅註醜謂非義補

丁公為

臣不忠

後漢季布傳云丁公為項王將常窘高祖曰兩賢豈相阨哉丁公引兵還及項王滅高祖以丁

公狗軍中曰丁公為項王臣不忠斬之按楚漢春秋

云丁公薛人名固兩賢孟康曰丁公及彭城賴騎追上

故曰兩賢也師古曰孟說非也兩賢高帝自謂并謂固

耳言吾與固俱是賢豈相阨困也故固感此言而止也

雖與賴騎俱追而高

祖獨與固言耳補 誅伯鯨於羽郊 竹書紀年云堯欲

為不可舜即位 斬防風於會稽 韓非子云昔者舜使吏

殛鯨於羽山補 殺之禹朝諸侯之君會稽之上防風之君後至而禹斬

之以此觀之先令者殺後令者斬則古者必貴如今矣

補 晉文斷顛頡之脊 左傳云晉侯圍曹令無入僖負羈

怒曰勞之不圖報於何有藝僖負羈氏魏犢傷於胃公

欲殺之而愛其材仗問且視之病將殺之魏犢束胃見

北堂書鈔

五

使者曰以君之靈不有寧也距躍三百曲踊三百殺顛頤以徇于師補魏絳戮揚干之僕

左傳云晉侯之弟揚干亂行于曲梁魏絳戮其僕管叔挾武庚作亂周公殺之

史記管蔡世家云武王封叔鮮於管封叔度於蔡二叔乃挾武庚以作亂周公誅之鄧析操兩

可之說子產誅之辭當子產執政作竹刑子產戮而誅

之威王烹大夫史記齊威王召阿大夫語曰自子之守阿譽言日聞然使使視阿田野不闕民

貧苦昔日趙攻鄆子弗能救衛取薛陵子不知是子以幣厚吾左右以求譽也是日烹阿大夫及左右嘗譽者

皆并簡子沈鸞徽呂氏春秋趙簡子沈鸞徽於河曰吾烹之簡子沈鸞徽嘗好聲色矣而鸞徽致之吾嘗好宮

室臺榭矣而鸞徽為之吾嘗好良馬善御矣而鸞徽未之今吾好士六年矣而鸞徽未嘗進一人也是長吾過

紕善也故若簡子者能後
以理督責於其臣矣補

族刑十

三族者先黥劓菹骨肉

刑法志云當三族者皆先黥劓
斬左右趾笞殺之梟其首菹其骨

肉於市其誹謗詛者又
先斷舌故謂之具五刑

罪人以族

誹謗者族

漢書
高紀

云漢王元年沛公還霸上十一月告諸豪傑
曰父老苦秦苛法久矣誹謗者族偶語棄市以古非今

者族

秦始皇本紀云十三年丞相李斯奏曰臣
請史官非秦記皆燒之以古非今者族之威以參

夷之刑

張衡東京賦曰秦政利觜長距終得擅場思專
其侈以莫已若也乃構阿房起甘泉結雲閣觀

南山征稅盡人力殫然後收以
太半之賦威以參夷之刑補

垣平夷三族

漢書文紀
云中元年

冬十月新垣平詐覺謀反夷之三族也

荆軻沈七族

文選應劭注曰荆軻為燕刺秦王不成而

死其七族坐之沈沒也張晏曰七族者上至高祖下至曾孫

溫舒罪至五族

漢書王

云溫舒為右輔行中尉遇有變告溫舒受員騎錢它姦利事罪至五族自殺其時兩弟及兩婚家亦各自坐它

罪而高后除三族罪

高后紀云元年正月詔曰合除三族之刑

獄刑十一

臯陶造獄

史游急就章云臯陶造獄

三王有獄

白虎通云三王始有獄夏曰夏臺殷曰牖

里周曰

圜土內之

周禮鄭注云圜土獄城也

員者象斗

春秋元命苞云獄者刻磻

也振賁獄 漢書云賁於治水事屬水衡尉也

東市獄

漢舊儀云東市獄屬京兆尹西市獄

屬左馮翊也

郡邸獄

舊儀云未央殿獄主治獄五署郎屬太僕

司空詔獄

舊儀云司空詔

獄治列侯二千石屬宗正

若盧詔獄

王商傳左將軍丹等請詔謁者召商詣若盧詔獄按孟康曰若

盧獄名屬少府黃門北寺補

掖庭秘獄

漢書云劉輔上言不宜立趙婕妤為皇后上使侍御史收

縛掖庭獄也

太子家獄

舊儀云太子家獄治太子官屬太子太傅也

獄屋完固

今晉

獄屋皆當完固厚其草蓐無令漏濕

憤氣生虫

東方朔別傳云孝武皇帝時上行甘泉至長陵馳道

中有虫伏地而赤如生肝狀上名朔視之還曰怪哉上曰謂何也朔曰秦始皇拘繫無道悲哀之苦仰天嘆曰

怪哉感動皇天此憤氣之所生也故名之曰怪哉是地必秦之獄也丞相按圖果秦獄也

幽囚十二

囚者桎梏

周禮掌囚職云凡囚者上罪桎梏而桎中罪桎梏下罪桎梏王之同族桎有爵者桎以待斃罪

係用徽纆

荷校減耳

屢校減趾

拘者滿圜

晏子春秋

景公籍重而獄多拘者滿圜怨者滿朝

楚囚鍾儀

左傳云晉侯觀於軍府見鍾儀問之曰南冠而

絛者誰也有司對曰鄭人所獻楚囚也使稅之召而吊之再拜稽首問其族對曰伶人也公曰能樂乎對曰先

父之職官也敢有二事使與之琴操南音補

秦囚孟嘗

史記孟嘗君傳云為秦相或說曰孟嘗賢

而父齊族今相秦必先齊而後秦昭王乃囚欲殺之上孤白裘免也

灌夫繫居室

漢書灌夫傳云

有詔劾灌夫罵坐不敬繫居室按師古曰居室署名也屬少府其後改名曰保宮補

劉輔繫

秘

獄

漢書見前

囚之於士弱氏

左傳云衛獻公如晉晉人執而囚之于士弱氏按杜注士弱晉

主獄大
夫補

桔之疏屬山

山海經云貳負之臣殺竇窳帝乃
桔之疏屬之山極其右足反縛兩

手按劉秀上山海經曰孝宣帝時擊磻石於上郡陷
得石穴其中有反縛盜械人時臣秀父向為諫議大夫

言此貳負之臣也詔問何
以知之以山海經對補

吏侵周勃

漢書周勃為丞相
十餘月乃免相就

國後人有上書告勃欲反下廷尉逮捕勃治之勃恐不
知置辭吏稍侵辱之勃以千金與獄吏獄吏乃書牘背

示之曰以公
主為證補

囚獄上書

吳志韋曜傳孫皓積前後嫌忿
收曜付獄曜因獄吏上辭按

皓時所在承指數言瑞應皓以問曜曜答曰此人家筐
篋中物耳又皓欲為父和作紀曜執以和不登帝位宜

名為傳如是者非一漸見責怒曜所飲不過二升初見
禮異時常為裁減或密賜茶薈以當酒至於寵哀更見

偏彊輒以
為罪補

律令十三

律者以罪名

杜預律序云律者八正罪名令者八序事制二者相須為用也

令者令民

知事

管子曰律者定分止爭也

使不相犯

釋名云令者領也領理使

不相犯之

咎繇遺訓

傳云律咎繇遺訓也

百王不易

風俗通云臯陶謀虞始造律蕭何成

九章此百王不易之道也

黃帝五法

素王妙論云黃帝設五法布之天下

漢祖三章

刑法

志云高祖初入關約法三章曰殺人者死傷人及盜抵罪躅刑煩苛兆民大說

鄭鑄刑書晉

作執秩

張斐律序

政事之經萬機之緯

張斐律序云令者政事之經云云

金

科玉條

揚雄劇秦美新云懿律嘉量金科玉條注曰科條謂法令也言金玉貴之也

未清本

末杜預奏事云被勅以臣造新律事律吏杜景李復等造律皆未清本末之意者也 **懸之象魏**

銘之鍾鼎 杜預云古之刑書銘之鼎

蕭何次律令 漢書高祖紀云漢興蕭何次律令韓信中軍法 **蕭何九章** 風

取宜於時 刑法志云三章之法不足以禦姦於是

班下施用 王隱云荀勗與賈充共定律令班下施用各加祿賜 **是繩墨之**

斷 杜預奏帝王法書者 **律見兩科是失省刑之意** 漢書

輕重不齊姦吏因緣為市 明君慎令

三尺律令人事出其內

古今一也

鹽鐵論大夫曰夫善言天者合之人善言古者考之今今何為施法何為加湯武全

肌骨而殷周治秦國用之法弊而犯二尺四寸之律古今一也或以治或以亂今願聞治亂之本周秦所以然乎文學曰春夏生長聖人象而為令秋冬殺藏聖人則而為法二者治亂之具也在上所任湯武經禮義明好惡以道其民殷周所以治也剝鼻盈莖斷足盈車舉河以西不足以受天下之徒終而以亡者秦王也非二尺四寸之律異所行反

古而悖民心也補

北堂書鈔卷四十五

欽定四庫全書

北堂書鈔卷四十六

唐 虞世南 撰

明 陳禹謨 補註

封爵部上

總篇一

親戚封二

總篇一

明王之所貴者爵也

禹書云

主之勤者爵

商君書云凡主之所以勸民

者官也

爵祿者人臣之銜轡

淮南子云

爵尊祿重圖難犯危

管子

云爵不尊祿不重不與圖難犯危

爵以馭貴

周禮大宰職云一曰爵以馭其貴也

爵以辯

貴

以賢制爵

周禮司徒職云以賢制爵則民慎德也

以德詔爵

司士職云以德

詔爵有德封有功

白虎通云景風至爵有德封有功

以著其德

白虎通云必封

諸侯何重民之至也善惡比而易故知擇賢而封使治其民以著其德極其才上以尊天子備藩輔下以子養百姓施行論功封爵

晉百官表注云高祖定天下論功封爵一百三十有三人大侯邑至

萬戶小者五六百戶

任官然後爵之

稱人美則爵之

修天爵

則人爵從之

爵罔及惡德惟其賢

我有好爵吾與

爾縻之 王三錫命懷萬邦也 利建侯 建萬國

建侯樹屏 開國承家 以蕃王室 蕃衛天子

史記高祖

功臣表序云書曰協和萬國逮於夏商或數千歲蓋周封八百幽厲之後見於春秋尚書有唐虞之侯伯歷三代千有餘載自全以蕃衛天子

豈非篤於仁義奉上法哉補 上以尊天子下以子百

姓白虎通取象剛柔晉百官表注曰王者之制公侯伯子男五等取法於雷

漢光武紀建武二年正月益封諸侯大國四縣博士丁恭議曰古帝王封諸侯不過百里故利以建侯取法於

雷強幹弱枝所以為治也今封諸侯四縣不合法制帝曰古之亡國皆以無道未嘗聞功臣地多而滅亡者乃

遣謁者即授印綬補封諸侯以夏養賢也白虎通曰封諸侯以夏何陽氣盛養故封諸侯

盛養賢也封立人君陽德之盛者繼世以立諸侯象賢也白虎通爵人於

朝與士共之白虎通云爵人於朝者示不私人以官與眾共之義也封侯於廟不

自專也白虎通云封諸侯於廟者示不自專也明法度皆祖之制也舉事必告焉補名山大

澤不以封白虎通曰不以封者與百姓共之不使一國獨專也山木之饒水泉之利千里相通所以

均均有無巖險之邑不以封魏書相國晉王奏斬一將封侯袁子瞻不足

從無爵封侯王粲爵論云後世賞人不由等級從無爵封為列侯也大者食邑小

者食鄉亭解語云功隨大小而侯也大侯萬家史記高祖功臣表序云漢興功臣受封者

百有餘人天下初定故大臣名都散亡戶口可得而數者十二三是以大侯不過萬家小者五六百戶按索

隱曰高祖功臣百三十七人兼外戚
及王子凡一百四十三人受封補
地方百里 立社

於國

雜事云天子大社以五色土為壇封諸侯各以其所方之色以立社于其受土也

臣其吏

民

漢書解語云大小隨邑縣鄉所食也

國為已土眾皆我民

陸機云立五等則知國為

已土眾皆我民 大小相維

萬國相維

功臣表云

國以及苗裔

史記功臣

表序云封爵之誓曰使黃河如帶太山若礪國以永寧
爰及苗裔 按應劭注曰帶衣帶也礪砥石也河當何

時如衣帶山當何時如厲
石言如帶礪國乃絕耳補

五等之制始於皇唐

陸機云五等之

制始於皇唐郡縣
之制創於秦漢也

立爵五等

晉百官表注云周道興隆三聖制法立爵五等封國

八百親親建國則周公宅魯康叔
啟衛賢賢表德則太公封齊也

制土三等

白虎通云制土地三

等何因土地有
高下中三等

五等法五行三等法三光

白虎通云爵五等者法五

行也三等者
法三光也

能移於衆謂之公

逸周書公者公正無私之意補

按白虎通曰

樹名生物謂之侯

逸周書侯者候也

按白虎通曰

齊衆時作謂

之伯

逸周書

按白虎通曰伯者百也補

孳孳恤下曰子

環濟要畧云孳孳恤下子之稱

任治政事曰男

環濟要畧云男任也任治政事受王命為君也

剖符之封析圭

之爵

司馬相如喻巴蜀檄云夫邊郡之士觸白刃冒矢石人懷怒心如報私讐故有剖符之封析圭為爵

位為通侯居
列東第補

金章朱綬

晉百官表注云三等諸公周官也金章朱綬

金章紫

綬

百官表云縣侯漢官也自縣已下通號列侯金章紫綬

公執桓圭

周禮大宗伯職云以玉作

六瑞以等邦國王執鎮圭公執桓圭侯執信圭伯執躬圭子執穀璧男執蒲璧補按鄭注云公二王之後及王之上公雙植謂之桓桓宮室之象所以安其上也桓圭蓋亦以桓為瑑飾圭長九寸附侯執信圭

伯執躬圭

鄭注云信當為身聲之誤也身圭躬圭蓋皆象以人形為瑑飾文有簾縟耳欲其慎

行以保身圭皆長七寸補

子執穀璧男執蒲璧

鄭注云穀所以養人蒲為席所以安人二

玉蓋或以穀為飾或以蒲為瑑飾璧皆徑五寸不執圭者未成國也補

五命賜則

周禮大宗伯職

云以九儀之命正邦國之位一命受職再命受服三命受位四命受器五命賜則六命賜官七命賜國八命作

牧九命作伯案鄭注云則者法也出為子男立謂則地未成國之名補

七命賜國

鄭注云王之卿

六命出封加一等者補

八命作牧

鄭注云謂侯伯有功德者加命得專征伐於諸侯補

九命

作伯

鄭注云上公有功德者加命為二伯得征五侯九伯者補

以五為節

周禮典命掌諸侯之

五儀諸臣之五等之命上公九命為伯其國家宮室車旗衣服禮儀皆以九為節侯伯七命其國家宮室車旗

衣服禮儀皆以七為節子男五命其國受命器於王室

左錫爾介圭 以作爾寶 金路九就同姓以封

周禮巾車

職云掌公車之政令辨其用與其旗物而等敘之以治其出入王之五路一曰玉路錫樊纓十有再就建大常

十有二旒以祀金路鈎樊纓九就建大旂以賓同姓以封象路朱樊纓七就建大赤以朝異姓以封革路龍勒

條纓五就建大白以即戎以封四衛木象路七就異姓以路前樊紫纓建大麾以田以封蕃國

封 革路龍勒以封四衛 上見木路鵠纓以封蕃國

上並見

子弟封者為諸侯

蔡邕獨斷云侯王之子弟封者為諸侯也

異姓者為徹侯

獨斷云異姓諸侯封者為徹侯避武帝諱曰通侯也

小國隨時會見

獨斷云其小國侯以肺腑

宿衛親公主于孫奉墳墓在京者亦隨時見會謂之根朝侯也補

親戚封二

王者始起封諸父昆弟

白虎通云王者始封諸父昆弟示與己共財之義故可以共土

也天下太平乃封親屬

白虎通云天下太平乃封親屬者示不私也

封建親

戚

左傳王將以狄伐鄭富辰諫曰不可臣聞之太上以德撫民其次親親以相及

竝建母弟

左傳云名伯盈逐王朝奔楚使告於諸侯曰昔武王克殷成王靖四方康王息民並建母弟也 割名都以

建周親

范曄後漢書章帝紀論云章帝割裂名都以崇周親

推私恩以分子弟

史記

王子侯表序云制詔御史諸侯王或欲推私恩分子弟邑者令各條工

褒有德

史記諸侯年表太史

公曰殷以前尚矣周封五等公侯伯子男然封伯禽康叔於魯衛地各四百里親親之義褒有德也

愛

所愛

韓詩外傳云惟明主能愛其所愛闇主則必危其所愛夫文王非無便辟親比已者超然乃舉太公

於舟人而用之豈私之哉文王欲立貴道欲白貴名兼制天下以惠中國而不可以獨此舉是人而用之貴道

果立貴名果白兼制天下立國七十二姬姓獨居五十

二周之子孫苟不狂惑莫不為天下顯諸侯夫是之謂能愛其所

愛矣補 犬牙相制 漢文帝紀云高帝崩丞相陳平等疾無往以觀其變中尉宋昌進曰羣臣之議皆非也夫秦失其政豪傑並起人人自以為得之者萬數然卒踐

天子位者劉氏也天下絕望一矣高帝王子弟地犬牙相制所謂磐石之宗也天下服其疆二矣漢興除秦煩

苛約法令施德惠人人自安難動搖三矣故大臣因天下之心而欲迎立大王大王勿疑也補封城相

近武晉起居注輔衛王室史記諸侯年表曰武王成康所封數百而同姓五十五地上不

過百里下三十里以輔衛王室鎮撫四海承衛天子年表又云天下初定骨肉同姓少故

廣疆庶尊以鎮撫四蕃輔京師年表又曰吳楚時前後諸侯或以適削地是以

燕代無北邊郡吳淮南長沙無南邊郡齊趙梁楚支郡名山陂海咸納於漢諸侯稍微大國不過十餘城小侯

不過數十里上足以奉貢職下足以貢祭祀以蕃輔京師而漢郡八九十形錯諸侯間犬牙相臨秉其阨塞地

利彊本幹弱枝葉之勢也尊卑明而萬事各得其所矣索隱曰過音宅或作過補大宗維翰

宗子維城 同姓五十五

諸侯年表見前

淮南之四子

漢淮南王傳云

孝文八年憐淮南王王有子四人年皆七八歲迺封子安為阜陵侯子勃為安陽侯子賜為陽周侯子良為東

城侯

齊王子七人

漢書文帝紀云四年封齊悼惠王肥子七人為列侯 按齊悼惠王肥高

祖六年立孝惠二年入朝帝與齊王燕飲太后前置齊王上坐如家人禮太后怒迺令人酌兩卮鴆酒置前令

齊王為壽齊王起帝亦起欲俱為壽太后恐自起反卮齊王怪之因不敢飲陽醉去問知其鴆迺憂自以為不

得脫長安內史士曰太后獨有帝與魯元公主今王有七十餘城而公主乃食數城王誠以一郡上太后為公

主湯沐邑太后必喜王無患矣於是齊王獻城陽郡以尊公主為王太后呂太后喜而許之補師古曰王太后

為齊王太后也言以母禮事之所以自媚也附封周公於曲阜

史記魯周公世家云封周公於

少昊之虛曲阜按括地志云兗州曲阜縣外城即魯公伯禽所築也補封康叔於河淇史記

衛康叔世家云以武庚殷餘民封康叔為衛君於河淇間故商墟按宋忠云今定昌也補周公宅

魯康叔啓衛晉百官表注云周道興隆三聖制法以懿親建國則周公宅魯云云桓公封

鄭史記鄭桓公世家云鄭桓公友者周厲王少子而宣王庶弟也宣王立二十二年友初封於鄭按索隱

曰鄭縣名屬京兆補周章君吳史記吳太伯世家云武王克殷求太伯仲雍之後得周章以君吳因

而封之於畢史記魏世家云畢公高與周同姓武王封之於畢按杜預注曰畢在長安縣

西北封之韓原史記韓世家云韓之先與周同姓其後苗裔事晉得封於韓原曰韓武子按

括地志云韓原在同州建爾元子俾侯於魯周公拜

韓城縣西南八里補北堂書鈔

前魯公拜後

公羊傳云世室屋壞世室者何魯公之廟也周公稱太廟魯公稱世室羣公稱宮此

魯公之廟也曷為謂之世室世室猶世世也世世不毀也周公何以稱太廟於魯封魯公以為周公也周公拜

乎前魯公拜乎後曰生以養周公死以為周公主然則周公之魯乎曰不之魯也封魯公以為周公主然則周

公曷為不之魯欲天

下之一乎周也補 援梧葉而封虞

呂氏春秋成王與唐叔虞燕居剪梧

桐葉以為圭而授唐叔虞曰余以此封汝唐叔虞喜以告周周公以請曰天子封虞耶成王曰余一與虞戲

也周公對曰臣聞之天子無戲言言則史書之工誦之士稱之於是遂封唐叔虞於晉周公旦可謂善說矣一

稱而成王益重言明愛弟

得葉以與弟

說苑云周成王幼與弟戲於地

得葉以與弟曰以此封汝周公曰選王曰戲耳不封也周公曰王者重言封人而悔者不信於是遂封之也

克庸祇德邦之于蔡 骨肉之親粲然不殊

漢書宣帝紀云詔曰

蓋聞象有罪舜封之骨肉之親粲而不殊其封故昌邑王賀為海昏侯 按師古注曰粲明也殊絕也當明於

仁恩不離絕也補

北堂書鈔卷四十六

欽定四庫全書

北堂書鈔卷四十七

唐 虞世南 撰

明 陳禹謨 補註

封爵部中

功臣三

死王事子孫封四

追封五

異域降附封六

功臣三

將率之士使為諸侯地兼五侯

史記諸侯年表周封五等公侯伯子男然

封伯禽康叔於魯衛地各四百里親親之義褒有德也

太公於齊兼五侯地尊勤勞也按世家武王封師尚

父於齊營邱東就國道宿行遲逆旅之人曰吾聞時難

得而易失客寢甚安殆非就國者也太公聞之夜衣而

行黎明至國萊夷來伐與之爭營邱太公至國修政因

其俗簡其禮通商工之業便魚鹽之利而人民多歸齊

齊為大國四縣後漢光武紀云建武二年大司馬吳

國補降之庚辰封功臣皆為列常全關中漢蕭何傳云關內

侯大國四縣餘各有差補下雖數亡山東蕭何常全關中以待陛下此萬

世功也奈何欲以一旦之功而加萬世功哉永寧河

右魏志張既傳詔曰卿踰河歷險以勞擊逸以寡勝衆

功過南仲勤踰吉甫此勲非但破胡乃永寧河右使

吾長無西顧之念矣補

攻徐破之賜趙城

史記趙世家傳云造父幸於周繆王造父取驥

之乘匹與桃林盜驪驛騶綠耳獻之繆王繆王使造父御西巡狩見西王母樂之忘歸而徐偃王反繆王日馳

千里馬攻徐偃王大破之乃賜造父以趙城補

將兵救周賜以岐西

史記秦本紀云西戎

伐周秦襄公將兵救周戰甚力有功周避犬戎難東徙錫邑襄公以兵送周平王平王封襄公為諸侯賜之岐西之地於是始國與諸侯通

入臨淄取祭器

史記樂毅傳云毅破齊攻入臨淄盡取齊寶物

祭器輸之燕燕昭王大說親至濟上勞軍行賞饗士封樂毅於昌國號為昌國君

登天山取蘭

成魏志張遼傳云遼為盪寇將軍增邑假節太祖論諸將功曰登天山履峻險以取蘭成盪寇功也

夏侯

淵所向無前

魏志夏侯淵傳太祖令曰宋建造為亂逆三十餘年淵一舉滅之虎步關右所向無

前仲尼有言吾與爾不如也

增封三百戶并前八百戶補于禁涇水之難

魏志于禁傳太祖悅

謂禁曰涇水之難吾其急也將軍在亂能整討暴堅壘有不可動之節雖古名將何以加之於是錄禁前後功

封益壽張遼合肥之役魏志張遼傳文帝詔曰合肥之役遼以步卒八百破賊十萬自

古用兵未之有也其分遼邑

守節秉誼以安宗廟

漢書霍光

傳光立孝宣皇帝明年下詔曰夫褒有德賞元功古今通誼也大司馬大將軍光宿衛忠正宣德明恩守節秉

誼以安宗廟其以河北東武陽益封魏志曹休錄前後功

光萬七千戶與故所食凡二萬戶補陳平凡六出奇計漢書陳平傳平

自初從至天下定後常以譏軍中尉從擊臧荼陳豨黥布凡六出奇計輒益邑封奇計或頗秘世莫得聞也補

蕭何發縱

漢書蕭何傳上以何功最盛先封為鄴侯曰夫獵追殺獸者狗也而發縱指示獸處者人

也今諸君徒能得走獸耳功狗也至如蕭何發縱指示功人也且諸君獨以身從我多者三兩人蕭何舉宗數

十人皆從我功不可忘也補

張良決勝

漢書張良傳漢六年封功臣良未嘗有戰關功高帝曰運

籌策帷幄中決勝千里外子房功也自擇齊三萬戶良曰始臣起下邳與上會留此天以臣授陛下陛下用臣

計幸而時中臣願封留足矣不荀攸謀謨魏志荀攸傳

敢當三萬戶乃封良為留侯補荀攸謀謨魏志荀攸傳

防自從太祖征伐常謀謨帷幄時人及于弟莫知其所言冀州平太祖表封攸曰軍師荀攸自初佐臣無征不

從前後克敵皆攸之謀也於是封陵樹亭侯補知水草處軍以不乏漢書張騫

尉從大將軍擊匈奴知水草處大興屯田軍國致饒魏

任峻傳云羽林監潁川棗祇建置屯田太祖以峻為典農中郎將數年中所在積粟倉廩皆滿官渡之戰太祖使峻典軍器狼運賊數寇鈔絕糧道乃使千乘為一部十道方行為複陳以營衛之賊不敢近軍國之饒起於棗祇而成於峻太祖以峻功高

羌胡畢至

後漢竇融傳云車駕西征

隗囂融率五郡太守及羌虜小月氏等步騎數萬輜重五千餘兩與大軍會高平遂共進軍囂衆大潰城邑皆降帝高融功下詔以安豐陽泉

荒戎入貢

魏志徐邈傳云西域

安封四縣封融為安豐侯補

流通荒戎入貢皆邀勛也

介子誅樓蘭
漢書傳介子傳云介子謂大將

軍霍光曰樓蘭龜茲數反願往刺之遣介子齎金幣至樓蘭王隨介子入帳中屏語壯士二人從後刺之持首詣關封義陽侯

延壽使西域

漢書甘延壽傳延壽為郎中諫大夫使西域都護騎

食邑七百戶

都尉與副校尉陳湯湯共斬
鄧支單于封義成侯補

仲升定西域

東觀記班超定西域五十餘國

詔封超為定遠侯按超家貧常為官傭書以供養久
勞苦嘗輟業投筆嘆曰大丈夫無他志畧猶當效傅介

子張騫立功異域以取封侯安能久事筆研間乎左右
皆笑之超曰小子安知壯士志哉其後行詣相者曰祭

酒布衣諸生耳而當封侯萬里之外超問其狀相
者指曰生燕頤虎頸飛而食肉此萬里侯相也補景丹

歸故鄉

後漢景丹傳云封丹櫟陽侯帝謂丹曰今關東故王國雖數縣不過櫟陽萬戶邑夫富貴不歸

故鄉如衣繡夜行故以封卿耳補

孫資封本縣

魏志云先是孫資厯縣令以參軍功封本縣也

衛青封為三侯

漢書衛青傳上曰大將軍青躬率我士師大捷獲匈奴王十有餘人宜封三子

侯青固謝曰臣幸得待罪行間賴陛下神靈軍大捷皆諸校力戰之功也陛下幸以益封臣青臣青子在襁褓

中未有勤勞上幸裂地封為三侯非臣待罪行間所以勸士力戰之意也上曰我非忘諸校功也今固且圖之

補夏侯惇子孫畢侯

魏志夏侯惇傳云文帝追思惇功欲使子孫畢侯分惇邑千戶惇七

子二孫爵皆闕內侯

舉鬻熊勤勞封熊繹於楚

史記楚世家云鬻熊子事文王早卒

當周成王之時舉文武勤勞之後嗣而封熊繹於楚蠻封以子男之田補

思張賀恩德封彭

祖陽都侯

漢書張安世傳云安世兄賀為掖庭令而宣帝以皇曾孫收養掖庭及曾孫壯大賀教詩

書令受詩為取許妃及宣帝即位追思賀欲封其家賀子早死安世小男彭祖彭祖又小與上同席研書指欲

封之故安世深辭賀封上曰吾自為掖庭令非為將軍也安世乃止遂下詔封賀弟子侍中闕內侯彭祖為陽

補都侯

死王事子孫封四

周苛守滎陽死事子成爲高景侯

漢書高后文功臣表云周苛守滎陽詈項

羽死事子成封爲高景侯

紀城戰好時死事子通爲襄平侯

漢書高惠帝功

臣侯表云紀城以將軍從擊破秦入漢定三秦功比平定侯戰好時死事子通封爲襄平侯

孫印擊

匈奴死事子單爲鉞侯

漢書孝文帝功臣侯表云孫印以北地都尉匈奴入力戰死事

子單封爲鉞侯補

樛樂擊南越死事子德爲龍侯

漢書孝武帝功臣侯表云

樛樂以校尉擊南越死事封子德爲龍侯

食其死事子痊爲高梁共侯

漢書高祖

諸侯功臣表酈食其以客從破秦以列侯入還定諸侯常使使約和諸侯說齊王死事封子痊爲高梁共侯

夷吾死事子周為商陵侯

漢書景武帝功臣表云趙夷吾以楚太傅王戊反不聽死

事封子周龐德罵關羽死封子為侯

魏志龐德傳德為關公所得謂曰不

為高陵侯早降何謂德罵曰孺子何謂降也遂為所殺太祖聞

而悲之為之流涕封其二子為列侯

按德常曰我受

國恩義當效死我欲自擊關某今年我不殺彼彼當殺

我後親與公交戰射公中額時德常乘白馬軍中謂之

白馬將軍東觀順帝紀云永和六年

皆憚之補馬賢子同命封侯十二月詔故將軍馬賢前

伐西夷剋敵深入父子三人同命其封武陽亭侯按

永和六年春正月丙子征西將軍馬賢與且凍羌戰于

射北山賢軍敗沒補

追封五

追尊陰睦為宣恩侯

東觀記陰識傳云建武二年追尊貴人父睦為宣恩侯按建武元

年光武遣使迎陰貴人於新野并徵識隨貴人至以為騎都尉更封陰鄉侯二年以征伐軍功增封識叩頭

讓曰天下初定將帥有功者象臣托屬披度仍加爵邑不可以示天下帝甚美之補封梁竦為哀

親愍侯

東觀漢記梁竦傳云永和元年制詔三公大鴻臚曰夫孝莫大於尊尊親親其義一也追命外

祖以篤親親其追封謚皇太后父竦為哀親愍侯好爵顯服以慰母心按竦感悼子胥屈原以非辜沈身乃

作悼騷賦繫玄石而沈之竦閉門自養以經籍為娛著書數篇名曰七序班固見而稱曰孔子著春秋而亂臣

賊子懼梁竦作七序附樊重追封壽張東觀記樊重世祖而竊位素餐者慙即位追封為壽張

敬侯按重性温厚有法度其營理產業物無所棄課役童隸各得其宜至乃開廣田土三百餘頃其所起廬

舍皆有重堂高閣陂渠灌注又池魚牧畜有求必給嘗欲作器物先種梓漆時人嘆之然積以歲月皆得其用貲至巨萬而賑贖宗族恩加鄉閭其素所假貸人間數百萬遺令焚削文契附陰興追封鮑陽

後漢書陰興傳永平元年詔曰故侍中衛尉關內侯興典領禁兵從平天下當以軍功顯受封爵又諸舅比例

應蒙恩澤興固讓安乎里巷輔導朕躬有周昌之直在家仁孝有曾閔之行賢者子孫宜加優異其以汝南之

鮑陽封興子慶為鮑陽侯追謚興曰翼侯補按鮑陽故城在今豫州新蔡縣北在鮑水之陽也鮑音紂附宋

楊追封當陽侯東觀漢記宋楊傳云安帝永寧元年遣大鴻臚寺持節至墓追封當陽侯籍

建追封東鄉侯東觀漢記順帝紀云中常侍籍建追封為汝陰東鄉侯

異域降附封六

春秋潞子之爵

漢功臣表序云昔書稱蠻夷率服詩云徐方來同春秋列潞子之爵許其慕諸

夏也漢興弓高之封

漢功臣表序云漢興至於孝文時乃有弓高襄城之封雖自外徠本功臣

後離狄內附嘉之稱爵

應劭注漢功臣表序云潞子離狄內附春秋嘉之其爵列諸盟

會匈奴降漢侯之勸後

漢匈奴王徐盧等五人降漢景帝欲侯之亞夫曰彼皆王降之

不可上曰丞相謀不可乃皆封侯也

匈奴先賢單于降封歸德侯

漢宣帝神爵元年

年鮮卑軻比能降拜歸義王

魏志烏丸鮮卑傳云鮮卑軻比能將部衆來降拜歸

義王也南越桂林監諭氏降侯湘成

漢孝武功臣表云湘成侯監居翁以南越

桂林監聞漢兵破番禺論駝駝氏四十餘萬降侯八百三十戶

徐盧以匈奴王降侯容

城

漢孝景功臣表云容城攜侯徐盧以匈奴王降侯七百戶

得南粵相呂嘉封臨蔡

侯

漢書功臣表云臨蔡侯孫都以南粵郎漢軍破番禺為伏波得南粵相呂嘉侯千戶

建德封海常侯 漢書功臣表云海常嚴侯蘇弘以 殺東

越王餘善封東城侯

漢書功臣表云東城侯居股以故東粵繇王斬東粵王餘善侯萬戶

殺朝鮮王右渠封濶清侯 漢書朝鮮傳云尼谿相參乃

參為濶清侯也 斬西于王封下廊侯

漢書閩粵傳云故甌駱將左黃同斬西于王封為下

侯誅成已封沮陽侯

漢書朝鮮傳云朝鮮相路人降道死右渠之大臣成已又反路人子


最告論其民誅成已

最以父死頗有功為沮陽侯

班固贊曰三方之間皆自好事之臣西南夷發於唐蒙

按

司馬相如兩粵起嚴助朱買臣朝鮮由涉何遭世富盛
動能成功然已勤矣追觀太宗填撫尉佗豈古所謂招
撫以禮懷遠
以德者哉補



北堂書鈔卷四十七

欽定四庫全書

子部

北堂書鈔卷四十八至五十四

詳校官中書臣金應琦

員外郎臣牛稔文覆勘

總校官庶吉士臣倉聖脈

校對官助教臣胡子襄

謄錄監生臣苗序洙

欽定四庫全書

北堂書鈔卷四十八

唐虞世南撰

明陳禹謨補註

封爵部下

德行封七

恩澤封八

外戚封九

尊賢繼絕封十

徙封十一

遜讓封十二

德行封七

王者即位先封賢者

白虎通云王者即位先封賢者憂人之急也

盛德之封

以尊有德

白虎通云盛德之士封之所以尊有德也

名冠天下當受重賞

東觀

記光武紀云建武元年詔曰前密令卓茂束身自修執節淳固誠能為人所不能為夫名冠天下當受天下重

賞今以茂為太傅封為褒德侯按東觀記續漢書皆作宣德侯補范粵論曰建武之初雄豪方擾越呼者連

響嬰城者相望斯固德不暇給之日卓茂斷斷小宰無它庸能時已七十餘矣而首加聘命優辭重禮其與

周燕之君表閭立館何異哉於是蘊憤歸道之賓越闕阻捐宗族以排金門者衆矣夫厚性寬中近於仁犯而

不校鄰於恕率斯道以經術御史國之將興尊師而也怨悔曷其至乎

重傅故前將軍望之傳朕八年道以經術厥
功茂焉其賜望之爵關內侯食邑六百戶
示我德行

東觀記云桓榮傳明帝詔曰五更沛國桓榮以尚書授
朕十有餘年示我顯德行乃封之
按後漢桓榮傳云

永寧二年三雍初成拜榮為五更每大射養老禮畢帝
輒引榮及弟子升堂執經自為下說乃封榮為關內侯

補注云三雍宮也謂明堂靈臺
辟雍下說謂下語而說之也
附張禹以師賜關內侯張

禹傳云禹善說論語初元中詔令授太子由是遷光祿
大夫元帝崩成帝即位以師賜爵關內侯食邑六百

孔霸以師號褒成君
漢孔光傳云光父霸治尚書選授
太子經選詹事高密相是時諸侯

王相在郡守上元帝即位徵霸以師賜爵關內侯號褒
成君如淳注曰為帝師教令成就故曰褒成君補按霸

為人謙退不好權勢常稱爵位泰過何德以堪之上欲
致霸相位霸自陳至三上深知其至誠迺弗用以是敬

之賞賜甚厚及霸薨贈以列侯禮
諡曰烈君霸四子先最小子也

附箕子之朝鮮因以封

之書大傳武王勝殷箕
子之朝鮮以封之

恩澤封八

人君所寵皆賜之封

晉中興書云漢制人君特寵皆賜之封邑

以舊恩而封

彭祖

漢宣帝紀云故掖庭令張賀有舊恩而封賀所子弟子侍中中郎將彭祖為陽都侯按師古注曰

所子者言養弟子以為子補

閱故事乃封楊賜

漢書楊賜傳云帝南宮閱錄故事得賜所

上張角奏及前侍講注籍乃感悟下詔封臨晉侯

即墨大夫官無留事

史記齊田完世

家云威王召即墨大夫而語之曰自子之居即墨也毀言日至然吾使人視即墨田野闢民人給官無留事東

方以寧是子不事吾左
右以求譽也封之萬家

河東太守為天下最

魏志杜畿為河東太

守十六年常為天下最
文帝即位賜爵關內侯

張釋勸王諸呂

漢書外戚恩澤表注云以大謁

者勸王

鮑告龍潛之舊

魯國先賢志云桓帝詔曰告與朕有龍潛之舊封西鄉侯

董

猛固讓封邑

晉起居注云惠帝永平元年詔曰中侍董猛固讓封邑其封武安侯

封藥大

為樂通侯

漢外戚恩澤侯傳云孝武以方術所褒樂大為樂通侯

封千秋為富民

侯

漢書車千秋傳云武帝時千秋上急變訟太子寃曰子弄父兵罪當笞天子之子過誤殺人當何罪哉臣

嘗夢見一白頭翁教臣言是時上頗知太子惶恐無他意迺大感悟召見千秋至前千秋長八尺餘體貌甚麗武帝見而說之謂曰父子之間人所難言也公獨明其不然此高廟神靈使公教我公當遂為吾輔佐立拜千

秋為大鴻臚數月遂代劉丞相有封自弘為始漢書公孫弘傳

云漢帝以列侯為丞相唯弘無爵上於是下詔曰朕嘉先聖之道開廣門路宣招四方之士蓋古者任賢而序位量能以授官勞大者厥祿厚德盛者獲爵尊故武功以顯重而文德以盛褒其以高成之平津鄉戶六百五十封丞相弘為平津侯其後以三公封侯自林為始魏志

崔林傳云林為司空封安陽亭侯邑六百戶三公封列侯自林始也

外戚封九

后父據春秋褒紀之義帝舅緣大雅申伯之意漢書外戚恩澤

侯表序云薄昭實嬰上官衛霍之侯以功受爵其餘后父據春秋褒紀之義帝舅緣大雅申伯之意寔廣博矣

與定天下侯者二人

漢書外戚恩澤侯表序云漢興外戚與定天下侯者二人故誓曰非

劉氏不王若有亡功非上所置而侯者天下共誅之

建高祖而侯者三人

漢書外

高祖呂皇后父呂公單父人也高祖為漢王元年封呂公為臨泗侯後呂后為人剛毅佐高祖定天下凡二人

皆為列將從征伐長兄擇為周呂侯次

四人為王六人

為侯

漢高后紀云惠帝崩太子立為皇帝年幼太后臨朝稱制大赦天下乃立兄子呂台產祿台子通四

人為王封諸呂六人為列侯

呂氏所立三王

又云秋七月皇太后崩上將軍祿相國產顯兵

秉政自知背高皇帝約恐為大臣諸侯王所誅因謀作亂時齊悼惠王子朱虛侯章在京師以祿女為婦知其謀迺使人告兄齊王令發兵西章欲與太尉勃丞相平為內應以誅諸呂齊王遂發兵又詐琅邪王澤發其國

兵并將而西產祿等遣大將灌嬰將兵擊之嬰至滎陽使人諭齊王與連和待呂氏變而共誅之太尉勃與丞相平謀以曲周侯酈商子寄與祿善使人劫商令寄給說祿曰高帝與呂后共定天下劉氏所立九王呂氏所立三王皆大臣之議事已布告諸侯王諸侯王以為宜今太后崩帝少足下不急之國守藩迺為上將將兵留此為大臣諸侯所疑何不速歸將軍印以兵屬太尉請梁王亦歸相國印與大臣盟而之國齊兵必罷大臣得安足下高枕而王千里此萬世之利也祿然其計使人報產及諸呂老人或以為不便計猶豫未有所決祿信寄與俱出遊過其姑呂嬃嬃怒曰汝為將而棄軍呂氏今無處矣迺悉出珠玉寶器散堂下曰無為他人守也

補 王氏田氏三侯

漢書外戚傳云孝景王皇后武帝母也父王仲槐里人也母臧兒故燕王

臧荼孫也為仲妻生男信與兩女而仲死臧兒更嫁為長陵田氏婦生男蚡勝臧兒長女嫁為金王孫婦生一

女矣而臧兒卜筮曰兩女當貴欲倚兩女奪金氏金氏怒不肯與決乃內太子宮太子幸愛之生三女一男男方身時王夫人夢日入其懷以告太子太子曰此貴徵也未生而文帝崩景帝即位王夫人生男會薄皇后廢卒立王夫人為皇后男為太子武帝即位為皇太后尊太后母臧兒為平原君封田蚡為武安侯勝為周陽侯王氏田氏侯者凡三人蓋侯信好酒田蚡勝貪巧文辭蚡至丞相追尊王仲為共侯槐里起園邑二百家長丞奉守及平原君薨從田氏葬

五人同封

漢書元后傳云河平二年上悉

封舅譚為平阿侯高成都侯立紅陽侯根曲陽侯逢時高平侯五人同日封故世謂之五侯

補五國竝

建漢書樊宏拜光祿大夫建武五年封長羅侯十三年封弟丹射陽侯兄子尋玄鄉侯族兄忠更父侯十五

年定封宏壽張侯十八年帝南祠章陵過湖陽祠宏父重墓追爵諡為壽張敬侯宏卒子儵嗣帝悼宏不已復

封少子茂為平望侯樊氏侯者凡五國補封楊駿為臨晉侯晉書楊駿少以王官為高陵令

後以后父封臨晉侯識者議之曰夫封建諸侯所以藩屏王室也后妃所以供粢盛弘內教也后父始封而以

臨晉為侯兆於亂矣補穰侯成陶邑之封史記魏冉謝病免相以客卿壽燭為相其明年

燭免復相冉乃封魏冉於穰復益封陶號曰穰侯補按索隱曰陶即定陶也徐廣云作陰陶王劭按定陶見有

魏冉冢作陰誤也附

尊賢繼絕封十

王者受命必興滅國繼絕世何白虎通云王者受命而作興滅國繼絕世何為

先王無道妄殺無辜及嗣子幼弱為強臣所奪子孫皆無罪因而絕重其先人之功故復立之漢書外戚恩澤

侯表序云自古受命及中興之君必興滅繼絕修廢舉逸然後天下歸仁四方之政行焉

內恕之君

樂繼絕世隆名之主安立亡國

漢書功臣表序云云

追存賢聖

漢書

外戚恩澤侯表序云武王克殷追存賢聖至乎不及下車

修祀六國

又云高帝撥亂誅暴庶事草創

日不暇給然猶修祀六國求聘四皓過魏則寵無忌之墓適趙則封樂毅之後

尊賢不過二代

封陳以備三恪

左傳云昔虞父為周陶正先王賴其器用與其神明後庸以元女太姬配

胡公而封諸陳以備三恪

封黃帝之後于薊

封帝堯之後於祝

封帝舜之後於陳

封夏后之後于杞

封山陽公奉

漢祀

帝王世紀云漢孝獻皇帝延康元年禪魏黃初元年封山陽公奉漢祀

封陳留王奉

魏祀

帝王世紀云魏常道鄉公咸熙二年禪晉太始元年封陳留王奉魏祀

成帝紹蕭何

之封

漢功臣表序云成帝復紹蕭何哀平之世增修曹參周勃之屬得其宜矣補

哀平之世

修曹參之屬

見上

封霍光曾孫陽等復故爵

漢平帝紀云封故大司馬

博陸侯霍光從父昆弟曾孫陽宣平侯張敖玄孫慶忌絳侯周勃玄孫共舞陽侯樊噲玄孫之子章皆為列侯復賜酈商孫明友等關內侯又云賜故曲周侯酈商等後玄孫酈明友等百一十

三人爵關內侯食邑各有差

石苞國祚莫繼以孫行為公

晉起居注惠帝詔

王基爵祚再絕以孫恢紹公

晉起居注惠帝詔

徙封十一

春陵下濕減邑內徙

東觀漢記春陵宗室傳云春陵孝侯以春陵地勢下濕有山林毒氣

上書求減邑內徙元帝徙之南陽猶以春陵為國

樊宏封壽張

東觀漢記樊宏封長羅侯徙封

壽張侯

陰丹徙封期思

東觀記陰丹封隱強侯七年以隱屬西徙封于丹陽為期思侯也

遜讓封十二

讓職還土

漢書竇融遷大司空自以非舊臣一旦入朝在功臣之右每召會進見容貌辭氣卑恭已

甚帝以此愈親厚之融小心久不自安數辭讓爵位因侍中金遷口達至誠後帝知欲有讓遂使左右傳出他

日會見迎詔融曰日者知公欲讓職還土故命公暑熱且自便今相見宜論他事勿得復言融不敢重陳請補

固讓爵土

漢書陰興傳云帝召興欲封之置印綬於前興固讓曰臣未有先登陷陣之功而一家數

人並蒙爵土令天下歆望誠為盈溢臣蒙陛下貴人思澤至厚富貴以極不可復加至誠不願帝嘉興之讓不

奪其志補

固讓歷年

晉書羊祜傳祜遺令不得以南城侯入柩祜喪既引帝於大司馬門南臨送祜

甥齊王攸表祜妻不以侯歛之意帝乃詔曰祜固讓歷年志不可奪身歿讓存遺操益厲此夷齊所以稱賢季

子所以全節也今聽復本封以彰高美補

遁亡七年

漢書劉愷傳和帝詔曰故居巢侯劉般嗣子愷

當襲般爵而稱父遺意致國弟憲遁亡七年所守彌篤蓋王法崇善成人之美其聽憲嗣爵遭事之宜後不得以為子臧奔宋左傳云諸侯賢子臧請於晉將見子臧于周而立之子臧辭曰前志有之曰聖

達節次守節下失節為君非吾節也雖不能聖敢失守乎遂逃奔宋補

子馮居鄭

史記宋世家云

穆公病召大司馬孔父謂曰先君宣公舍太子與夷而立我我不敢忘我死必立與夷也孔父曰羣臣皆願立

公子馮穆公曰毋立馮吾不可以負
宣公於是穆公使馮出居於鄭補

棄室而耕

左傳云
諸樊既

除喪以父命讓位札札謝曰曹宣公之卒諸侯與曹人
不義曹君將立子臧子臧去之以成曹君君子曰能守

節矣君義嗣也誰敢干君有國非吾節也札雖不才願
附子臧之義吳人固立札札棄其室而耕乃舍之補

挂經而逃

漢書丁鴻父緝卒鴻當襲封上書讓國於
弟盛不報既葬乃挂經於冢廬而逃去

晏

子都昌辭而不受

晏子春秋景公割地將封晏子晏子
辭不受曰富而不驕者未嘗聞之貧

而不恨者嬰是也所以貧
而不恨者以善為師也

呂強都鄉辭讓懇惻

漢書呂
強為小

黃門再遷中常侍為人清忠奉公靈帝時例封宦者
以強為都鄉侯強辭讓懇惻固不敢當帝乃聽之補**鄧**

隲間闕上疏

漢書鄧隲傳永初元年隲以定策功增邑
三千戶隲辭讓不獲遂避使者間闕詣闕

上疏自

陳補 魯連辭謝者三

史記魯連說新垣衍衍請不救復言帝秦秦將聞之為却軍五

十里於是平原君欲封魯連魯連辭使者三終不肯受平原君乃置酒酒酣起前以千金為魯連壽魯連笑曰所謂貴於天下之士者為人排患釋難解紛亂而無取也即有取者是商賈之士也而連不忍為也補致

國於弟

漢書劉愷丁鴻等傳愷鴻皆讓封於弟見前

歸功參佐

魏志王基淮南初定轉基

為征東將軍進封東武侯基上疏固讓歸功參佐

延壽上書讓減戶邑

漢書張

在陳留別邑在魏郡租入歲千餘萬延壽自以身無功德何以久堪先人大國數上書減戶邑叔教謂

子無受肥饒

淮南子云楚莊王封孫叔敖辭而不受病將死謂其子曰吾死王必封無受肥饒之

地按叔教碑文畧曰王來其子而加封焉子辭父有命如楚不忘亡臣社稷圖而欲有賞必於潘國下濕境

垺人所不貪遂封
潘鄉即固始也
起受侯印死有餘罪
漢書平常傳云上使使者召欲

封當當病篤不應召室家或謂當不可強起受侯印為
子孫耶當曰吾居大位已有素餐之責矣起受侯印還

卧而死死有餘罪今不
起者所以為子孫也
子在襁褓何敢受封
漢衛青傳云上封青

三子固辭謝曰臣幸得待罪行間賴陛下神靈軍大捷
皆諸校力戰之功也今益封臣青臣青子在襁褓中未

有勤勞上幸裂地封為三侯非臣待罪行間
所以勸士力戰之意也抗等三人何敢受封
身死之後

勿議傳國
漢書張純傳云純臨死謂家丞曰吾無功於時猥蒙爵土身死之後勿議傳國按純在

朝歷世明習故事建武初舊章多闕每有疑議輒以訪
純自郊廟婚冠喪紀禮儀多所正定帝甚重之以純兼

虎賁中郎將數被引
身死讓存遺操益厲
見前

婦人封十三

典籍無婦人分土之制

魏氏春秋黃初三年帝欲侯太后父母陳羣奏曰按典籍之文

無婦人分土命爵之制在禮婦人從夫爵耳

婦人與政亂之本

魏志文帝詔曰夫婦人與

政亂之本也自今以後羣臣不得奏事太后后族之家不得當輔政之任又不得橫受茅土之爵以此詔傳後

世若有背違天下共誅之補按孫盛曰昔在申呂實匡有周苟以天下為心惟德是仗則親疎之授至公一也

何至后族而必斥逐之當二漢之季世王道陵遲故令外戚憑寵職為亂階至於魏文遂發一概之詔可謂有

識之爽言非帝者之宏議附

陰安侯

漢書文帝入代邸羣臣從至上議曰謹請陰安侯頃王后琅邪

王列侯吏二千石議大王高皇帝子宜為嗣補按注云陰安侯高帝兄仲妻也仲名喜為代王後廢為郟陽侯

子濟為吳王故追謚為項王如淳曰王子侯表曰郤陽侯喜以子濟為王追謚為項王項王后封陰安侯時呂須為林光侯蕭何夫人亦為鄼侯又宗室侯表此時無陰安侯知其為項王后也按漢祠令陰安侯高帝嫂也

師古曰諸謚為頃者漢書例作頃字附 林光侯 上明雌侯

讀曰頃文穎曰琅邪王劉澤也 鄼侯 上平原君 漢書外戚傳云武帝制詔御

魏春秋云許負河內温縣之 婦人漢高祖封為明雌侯 鄼侯 上平原君 漢書外戚傳云武帝制詔御

即位封皇太后 母戚兒為平原君 博平君 漢書外戚傳云宣帝制詔御 修

成君 史記外戚世家云武帝封王太后 功顯君 漢書王 在民間時所生女金氏為修成君 功顯君 莽傳云

封莽母為 開封君 東觀漢記云大將軍 新野君 東漢 功顯君 梁冀夫人號為開封君 新野君 鄧皇 后紀云永平元年爵號太夫人 安樂鄉君 晉中興書成 為新野君萬戶供湯沐邑補 帝贈后母裴

不更五大夫六官大夫七公大夫八公乘九五大夫十
左庶長十一右庶長十二左更十三中更十四右更十
五少上造十六大上造十七駟車庶長十八大庶長十
九闕內侯二十徹侯 按師古注曰公士言有爵命異
于士卒故稱公士也造成也言有成命于上也簪象以
組帶馬曰象言飾此馬也不更言不豫更卒之事也大
夫列位從大夫加官公者示稍尊也公乘言其得乘公
家之車也五大夫之尊也庶長言為衆列之長也更言
主領更卒部其役使也工造言皆主上造之士也駟車
庶長言乘駟馬之車而為衆長也大庶長又更尊也闕
內侯言有侯號而居京畿無國邑
徹侯言其爵位上通於天子補 **入粟受爵**
漢書食貨志云欲民

務農在於貴粟貴粟之道在於使民以粟為賞罰今募
天下入粟縣官得以拜爵得以除罪如此富人以爵農
民有錢粟有所漂夫能入粟以受爵皆有餘者也取於
有餘以供上用則貧民之賦可損所謂損有餘補不足

今出而民利者也。又曰：爵者上之所擅，出於口而亡窮。粟者民之所種，生於地而不乏。夫得高爵與免罪人之所甚欲也，使天下人入粟於邊，以受爵免罪，不過三歲塞下之粟必多矣。於是文帝從錯之言，令民入粟邊，六百石爵上造，稍增至四千石為五大夫，萬二千石為大庶長，各以多少級數為差。補

漢武寵功

又云：大司農陳臧錢經用賦稅既竭，不足以奉戰士，有司請令得買爵及贖禁銅，免臧罪，請置賞官，名曰武功。爵級十七萬，凡直三十餘萬金。諸買武功爵官首者，試補吏，先除千夫，如五大夫，其有罪，又減二等。爵得至樂卿，以顯軍功。軍功多用超等，大者封侯，卿大夫，小者郎。吏補按注云：茂陵中書有武功爵一級，曰造士，二級曰閑，與衛三級曰良士，四級曰元戎士，五級曰官首，六級曰兼鐸，七級曰千夫，八級曰樂卿，九級曰執戎，十級曰政，度庶長，十一級曰軍衛，此武帝所制，以寵軍功。師古曰：下云級十七萬，凡直三十餘萬，今所引茂陵中書止

十一級則計數不足與本文乖
矣或者茂陵書說之不盡也
附買爵免死漢書惠帝紀
雖得買爵三十級以免死罪應幼注曰一級直
錢二千凡為六萬若今贖罪入三十匹練矣補

北堂書鈔卷四十八

欽定四庫全書

北堂書鈔卷四十九

唐 虞世南 撰

明 陳禹謨 補註

設官部一

總載篇

宰相篇

總載篇

設官分職以爲民極

周禮天官職云惟王建國辨方正位體國經野設官分職以爲民極

立官以聽治

昏義云天子立六官三公九卿二十七大夫八十一元士以聽天下之外治

建

官以經治

李重奏議云古聖王建官垂制所以體國經治而功在簡要者也

建官惟賢

立官必方

呂氏春秋云先王之立高官也必使之方方則分定分定則下不相隱

授事

以尊賢賢才以級進

仲長子云公卿大夫雖有賢才皆級次進官猶知級階之有等

也治亂在官

楊泉物理論云人主務在審官擇人者也

唐虞稽古建官惟百

夏商官倍亦克用

能用治也

舜命九官周分六職

李重奏議云舜

命九官周分六職秦乘古制漢仍秦舊倚丞相任九卿者也

太皞龍師龍名

左傳云郊子曰

太皞氏以龍紀故為龍師而龍名杜注太皞伏羲氏風姓之祖也有龍瑞故以龍命官

少皞鳥師

鳥名

又曰我高祖少昊摯之立也鳳鳥適至故紀於鳥為鳥師而鳥名鳳鳥氏歷正也杜注鳳鳥知天時

故以名歷

帝嚳氏以人紀官

又曰自顓頊以來不能紀遠乃紀於近為民師而命

以民事則不能故也

典司六典

曲禮云天子建天官先六太曰太宰太宗太史太祝太士太卜典司

六典補

典制六材

又云天子之六工曰土工金工木工石工獸工草工典制六材

典司五

衆

又云天子之五官曰司徒司馬司空司士司寇典司五衆

典司六職

又云天子之六府曰司土

司木司水司草司器司貨典司六職

宰相篇

屋在乎柱國在乎相

列女傳云齊泚逐者齊即墨之女也狀甚醜三逐於鄉五逐於里齊

相婦亡造襄王之門而求見王輟食而起與之語女曰
夫屋堅不堅在柱國家安不安在乎相王曰吾國相若何
對曰王之國相比日之魚也外比內比然後能成其事
王曰何謂對曰朋其左右賢其妻子是外比內比也王
曰善遂尊其相以逐
有兩有三有五有倍貳左傳趙簡子問於史

墨曰季氏出其君而民服何也對曰物生有兩有三有
五有倍貳故天有三辰地有五行體有左右各有妃耦
王有公諸侯有卿皆其貳也天生季
氏以貳魯侯民之服焉不亦宜乎
天子之相三一相

處乎內

傳云天子三公者何天子之相也自陝以東周
公主之自陝以西召公主之一相處乎內也

按白虎通云不分南北何東方被聖人化日少西方被
聖人化日久故分東西使聖人主其難者賢者主其易
者乃俱致變平也所分陝者是國
黃帝得六相管子曰昔者黃
中也若言面八百四十國矣補

帝得蚩尤而明乎天道得太常而察乎地利得蒼龍而
辨乎東方得祝融而辨乎南方得木封而辨乎西方得
后土而辨乎北方黃帝得六
相而天下治神明之至也
舜得友五人尸子云舜得友五人曰雒

陶續耳柏楊東不識秦
不空一國之賢人也

聞風便委國

孔叢子云魏王遣使者聘子順為相

曰魏國狹小乏於聖賢寡君久聞下風願委國先生親
受教訓如肯降節豈惟魏國君臣是賴其亦社稷之神
祇實永受慶於是乃之魏魏王郊迎謂子順曰寡人不
肖嗣先君之業先生聖人之後道德懿劭幸見顧臨願
圖國政對曰臣竊旅之臣慕君高義是以戾此君辱賜
而問以政事敢不敬受君之明令補按子順孔姓名斌
子高之
子附
跪行授以相說苑云楊因見趙簡主曰臣居鄉
三逐事君五去聞君好士故走來
見也趙簡主聞之絕食而歎跪而行左右進諫曰居鄉
三逐是不容衆也事君五去是不忠上也今君有士

見過八矣簡主曰子不知矣夫美女者醜婦之仇也盛德之士亂世所疏也正直之行邪枉所憎也遂出見之因授以為相而國大治由是觀

若金作礪

一則仲父

易哉為君

呂氏春秋云有司請事於齊桓公桓公曰以告仲父有司又請公曰告仲父若是三留者

曰一則仲父二則仲父易哉為君桓公曰吾未得仲父則難已得仲父之後曷為其不易也

百揆時

敘 四方享德

猶鴻有翼

管子云桓公在位管仲隰朋見立有間有二鴻飛而

過之桓公嘆曰仲父今彼鴻鵠有時而南有時而北有時而往有時而來四方無遠所欲至而至焉非唯有羽翼之故是以能通其意於天下乎管仲隰朋不對桓公曰二子何故不對管子對曰君有霸王之心而夷吾非霸王之臣也是以不敢對桓公曰仲父胡為然盍不當言寡人其有鄉乎寡人之有仲父也猶飛鴻之有羽翼

也若濟大水有舟楫也仲父不一言教寡人寡人之有耳將安聞遽而得度哉管子對曰君若將欲霸王舉大事乎則必從其本末矣補

正事之臣

羽翼之佐

謝承後漢書云非腹背之毛羽翼之

佐者

社稷之器

蜀志蔣琬傳云諸葛稱社稷之器非百里之才

以尹天下

左傳曰昔

武王克商成王選建明德以蕃屏周周公相王室以尹天下

以治天下

鬻子云禹之治天下也得

臯陶得社子業得既子得施子黜得季子甯得然子堪得輕子玉得七大夫以治天下而天下治湯得慶誦伊

尹湟里且東門虛南門蜎西門疵北門

夾輔王室

帝王世紀

周平王元年鄭武公與晉文侯股肱周室

毗輔王室

帝王世紀周平王昶薦劉銓文云明公允侔阿衡毗輔

爲王

者佐

呂氏春秋云武王至殷郊保墮五人御於前莫為係之曰吾所以事君者非係也武王左釋白羽右

釋黃鉞勉而自為係孔子聞之曰此五人者之所以為王者佐也不肖主之所弗安也保又王家

保茲天子 天子是毗 王躬是保 左右商王股

肱周室

左傳天王使劉定公錫齊侯命曰昔伯舅太公右我先王股肱周室師保萬民王室之不壞繫

伯舅是賴今予命汝環茲率舅氏之典敬之哉按環齊靈公名補 弼亮四世 光輔五

君

左傳子未問于趙孟曰范武子之德何如對曰夫子之家事治言于晉國無隱情其祝史陳信于鬼神無

愧辭子未歸以語王王曰尚矣哉能相二君而無私積

左傳云季文子之忠於公三**相楚而愈卑**荀子云繒丘室也相二君矣而無私積之封人見楚

相孫叔敖曰吾聞之也處官久者士妬之祿厚者民怨之位尊者君恨之今相國有此三者而不得罪楚之士民何也孫叔敖曰吾三相楚而心愈卑每益祿而施愈博位滋尊而禮愈恭是以不得罪于楚之士民也補按

曾與鄒同鄒丘故國封人掌疆界者漢書地理志繒縣屬東海附

格于皇天 格于上

帝 德光上下 威服諸侯

淮南子云景陽淫酒被髮而御于婦人威服諸侯注

曰景陽楚相也

治國制義

國語云齊桓公使鮑叔為宰辭曰臣之不若夷吾者五寬惠柔民弗若也

治國家不失其柄弗若也忠信可結于百姓弗若也制禮義可法于四方弗若也執枹鼓立于軍門使百姓加勇焉弗若也

安國家全社稷

說苑云梁相死惠子欲之梁渡河而遽墮水中船人救之船人

曰子欲何之而遽也曰梁無相吾欲往相之船人曰子居船楫之間而固無我則子死矣子何能相梁乎惠子

曰子居艘楫之間則吾不如子至於安國
家全社稷子比我蒙蒙如未視之拘耳
鎮國家撫百

姓史記高帝紀云鎮國家撫百
姓餉饋不絕吾不如蕭何
富國安主太公金匱云

安主調陰陽和羣臣
樂萬民非吾宰相也
匡主濟民蜀志下邳陳登謂先主
曰今欲為使君合步騎

十萬上可以匡主濟民成五伯之業
下可以割地守境書功於竹帛補
寧東夏平秦亂左

祁午謂文子曰子相晉國以為盟主於今七年矣再合
諸侯三合大夫服齊狄寧東夏平秦亂城淳于師徒不

煩國家不罷民無謗讟諸侯無怨天無大災子
之力也有令名矣而終之以恥午也是懼補
國無盜

賊道不拾遺韓子云子產相鄭為政五年國無盜累道
不拾遺桃棗蔭於街者莫有援也雖刀遺

道三日可反三年不變民無飢也補按史記云子產為
相一年豎子不戲狎斑白不提挈墮子不犁畔二年市

不豫賈三年門不夜闔道不拾遺四年田器不歸五年士無尺籍喪期不令而治治鄭二十六年而死丁壯號

哭老人兒啼曰子產去我死乎民將安歸附

桃李莫援

呂氏春秋云子產相鄭十八年刑三人殺

二人桃李之垂於行者莫之援也錐刀之遺於道者莫之舉也

池淵不稅

說苑云公儀休相魯魯君

死左右請閉門公儀休曰止池淵吾不稅蒙山吾不賦苛令吾不布吾已閉心矣何閉於門哉

酒肉不

徹鐘鼓不解

尸子云周公酒肉不徹于前鐘鼓不解于懸聽樂而治國無勞事焉

勞不坐

乘暑不張蓋

史記趙良說商君曰五殺大夫

無衣帛之妾無食粟之馬

魯語季文子

如美拔菜布好逐婦

史記公儀休為魯相食茹而美拔其園葵而棄之見

布而逐其婦也

一夫不得引為已罪

天下不得其所若已推

之

鹽鐵論云禹稷布衣之士思天下不得其所若已推之

武丁時有甘盤

太戊

時有伊陟

管仲相桓公九合諸侯一匡天下

五穀

相秦繆三置晉國之君一救荆國之禍

趙良說商君

田氏相

齊君盈則已降

列子曰田氏相齊君盈則已降故則已施民皆歸焉

仲尼相魯敵

國憂

晏子春秋云仲尼相魯景公患之謂晏子曰鄰國有聖人敵國之憂也今孔子相魯若何晏子對曰

君其勿憂彼魯君弱主也孔子聖相也君不如陰重孔

子設以相齊孔子強諫而不聽必去去魯而之齊君勿

納也夫純於魯無主於齊孔子困矣居期年孔

子去魯之齊景公不納故困於陳蔡之間補

子產相

鄭無諸侯患

說苑云子產相鄭終簡公之身內無國中之亂外無諸侯之患也

顓頊十

五佐黃帝

鬻子云昔者顓頊年十五而佐黃帝二十而治天下其治天下也上緣黃帝之道而行之

學黃帝之道而帝之補

帝嚳十五佐顓頊

又云昔者帝嚳年十五而佐帝顓頊三十而治

天下其治天下也上緣黃帝之道而明之學帝顓頊之道而行之

介子推十五相荆

說苑

云介子推行年十五而相荆仲尼聞之使人往視還曰廊下有二十五俊士堂上有二十五老人仲尼曰合二

十五人之智智於湯武并二十五人之力力於彭祖以治天下其固免矣乎補

甘羅年十二相

秦

史記甘茂傳云甘羅十二事秦相文信侯呂不韋後秦爵為上卿復以茂田宅賜之

伊尹啟太

甲 周公抱少主

呂氏春秋云文王造之而未遂武王遂之而未成周公旦抱少主而成之

故曰 成王復子明辟 致政成王

北堂書鈔卷四十九

欽定四庫全書

北堂書鈔卷五十

唐 虞世南 撰

明 陳禹謨 補註

設官部二

總載三公

尚書曰立太師太傅太保茲惟三公論道經邦變理陰陽
孔傳曰師天子所法傅傅相天子保保安天子於

德義此惟三公之任佐王論道以經緯國事和理陰陽
言有德謀官不必備惟其人言三公官不必備員惟其人
有德乃處之少師少傅少保曰三孤此三官名曰三孤
孤特言卑於公也貳公弘化寅亮天地弼予一人副貳
三公弘大道以輔我一人 河圖祿運法曰舜以太尉
受號爲天子五年二月東巡狩至於中州與三公諸侯
臨觀黃龍五采負圖出置舜前也 尚書刑德考曰益
爲司馬高爲司徒禹爲司空聖帝即位三公象三能矣

韓詩外傳曰三公者何曰司空司徒司馬司馬主天

司空主地司徒主人故陰陽不調星辰失度責之司馬

山陵崩絕川谷不流責之司空五穀不殖草木不茂責

之司徒 禮記曰孟春之月天子率三公九卿諸侯大

夫躬耕帝籍

鄭玄曰帝上帝籍天子籍田千畝以供上帝之粢盛

天子三推公五

推卿諸侯九推

推未發土

三公九卿皆御

御進也

春秋演孔圖

曰諸侯爲外蕃三公爲中輔 春秋元命苞曰魁下六

星兩兩而比曰三台主閭德宣符德立題 能之爲言

耐也天官器人各以其材因而任之則分職治其象以

見符

能今之耐字也耐古之能字也

春秋漢含擘曰三公象五岳九卿

法河海 公羊傳云三公者何天子之相也 孝經援

神契曰五岳視三公四瀆視諸侯 許慎五經異義曰

今尚書夏侯歐陽說天子三公一曰司徒二曰司馬三

曰司空九卿二十七大夫八十一元士凡百二十在天

為山川古周禮說天子立三公曰太師太傅太保無官

屬與王同職故曰坐而論道謂之三公又立三少以為

之副曰少師少傅少保是爲三孤冢宰司徒宗伯司馬
司寇司空是爲六卿之屬大夫士庶人在官者凡萬二
千石按周公爲傅召公爲保太公爲師周公太公無爲
司徒司空文知師保傅三公官名也五帝三王不同物
此周之制也 許慎五經異義云古周禮說天子無爵
三公無官冒號於天何爵之名參職於天子何官之有
五經異義曰王者已有州伯所以復設二伯何欲使
絀職也三歲一閏天道小備故二伯絀職也何以爲二

伯乎曰以三公在外稱伯東西分爲二所以稱伯何欲抑之也三公臣之最尊者也以王命行天下爲其威故抑之明有所屈伯也 韋昭辨釋云公貢也才德兼

於人人咸貢薦於王而用之也辨云公猶取正直無私

也故曰公字從公

八音背公古之私字背私則爲公者也

漢書太師太傅

太保是爲三公記曰三公無官言有其人然後充之舜之於堯伊尹於湯是也 漢書曰鄒陽上書於陵仲子

辭三公爲人灌園

漢書曰丙吉爲丞相嘗出逢清道

羣鬪者死傷橫道吉過之不問前行逢人逐牛問行幾里矣掾吏獨爲丞相失問吉曰民鬪相殺傷長安令京兆尹職所當禁歲竟丞相課其殿最奏行賞罰而已宰相不親小事非所當於道路問也方春少陽用事未可太熱恐牛近行困暑故喘此時氣失節恐有所傷害也太典調和陰陽職所當問 漢書曰丞相孔光初爲御史大夫時董賢父恭爲御史事光及賢爲大司馬與光並爲三公上故令賢私過光光雅恭謹知上欲尊寵賢

及聞賢當來也光警戒衣冠出門待望見賢車却入賢
至中門光入閣既下車乃出拜謁送迎甚謹不敢以賓
客鈞敵之禮賢歸上聞之喜立拜光兩兄子爲謀議大
夫常侍 漢書新都侯王莽爲大司馬秉政權彭宣上
書言三公鼎足承君一足不任則覆亂美實臣資性淺
薄年齒老眊數伏疾病昏亂遺忘願上大司空長平侯
印綬乞骸骨歸鄉里竢填溝壑 皇甫謐帝王世紀曰
三公者知通乎天道應變無窮辨於萬物之情者也其

言足以調陰陽四時而節風雨如是舉以爲三公之事
謝承後漢書曰鄭弘爲臨淮太守行春兩白鹿隨車
夾轂而行弘佐問主簿黃國鹿爲吉凶拜賀曰聞三公
車幡畫作鹿明府當爲宰相後弘果爲太尉 謝承後
漢書曰靈帝欲以羊續爲太尉時拜三公者皆輸東園
禮錢千萬令中使督之名爲左騶其所之往輒迎致禮
敬厚加賜賂續乃坐使人於單席舉縕袍而示之曰所
資惟斯而已故不登三公位而徵爲太常卿 謝承後

漢書曰胡廣在台輔三十餘年經事六帝禮任甚優每遜位辭疾及逸退田里未嘗滿歲輒復升進凡一履司徒三登太尉及爲太傅其辟命皆天下名士與故吏陳蕃李咸並爲三司蕃等每朝會輒稱疾避廣時人榮之謝承後漢書曰黃憲同郡陳蕃爲三公臨朝而歎曰叔度若在不敢先佩印綬矣又曰陳謙字伯謙爲御史中丞同郡宣豐時爲衛尉司徒位缺尚書欲按以補之咨問於謙謙正坐不答豐亦因士大夫謂謙曰位不

可妄假人三司位重上和陰陽下訓五品豈可得處宣
豐何人而欲居稷卨之官傳語者愧而退 司馬彪續

漢書曰楊彪字文先博覽衆書有恭孝稱至司徒太尉
見漢祚將終自以累世三公恥後爲魏臣乃稱脚攀不
復行魏文即位賜杖几延請之又使着鹿皮冠拜光祿
大夫秩中二千石朝見位次三公 范曄後漢書曰虞
詡薦龐參有宰相器能順帝時以爲太尉錄尚書事是
時三公之中參名忠直數爲左右所陷毀以所舉用忤

帝旨 又云安帝即位太尉徐防以災異寇賊策免就
國凡三公災異免始自防也 司馬彪九州春秋曰崔

烈廷尉卿靈帝時開鴻都門榜賣官爵烈時入錢五百
萬得爲司徒及拜曰天子臨軒百僚畢會帝顧謂倖者

曰恨不小靳可至千萬程夫人於傍應曰崔公冀州名

士豈肯買官賴我得是反不知姝邪

注曰姝美也言反不知斯事之美也

或作株根本也補

烈問其子鈞曰吾居三公於議者何如鈞曰

大人少有英稱歷位卿守論者不謂當爲三公而今登

其位天下失望烈曰何爲然也鈞曰論者嫌其銅臭耳
烈怒舉杖擊之鈞走烈罵曰死卒父過而走孝乎鈞曰
舜之事父小杖則受大杖則走非不孝也烈慙而止

魏志曰高柔字文惠爲廷尉魏初三公無事又希與朝
政柔上疏曰天地以四時成功元首以輔弼興治成湯
仗阿衡之佐文武憑旦望之力逮至漢初蕭曹之儔並
以元勳代作心膂此皆明王聖主任臣於上賢相良輔
股肱於下也今公輔之臣各偃息養高鮮有進納誠非

朝廷崇用大臣之義大臣獻可替否之謂也古者刑政有疑輒議於槐棘之下自今之後朝有疑議及刑獄大事宜數以咨訪三公三公朝朔望之日又可特延入講論得失博盡事情庶有裨起天聽弘益大化帝嘉納焉

魏志曰文帝即王位鍾繇復爲大理及踐祚遷太尉轉封平陽鄉侯時司徒華歆司空王朗並先世名臣文帝罷朝謂左右曰此三公者乃一代之偉人也後世殆難繼矣明帝即位進封定陵侯增邑五百遷太傅繇有

膝疾拜起不便時華歆亦以高年疾病朝見皆使載輿
車虎賁舁上殿就坐是後三公有疾遂以爲故事 魏

志曰崔林爲司徒封安陽亭侯三公封列侯因此 蜀

志蔣琬字公琰夜夢有一牛頭在門前流血滂沱意甚
惡之呼問占夢趙直直曰夫見血者事分明也牛角及
鼻公字之象君位必當至公大吉之徵也 晉書曰庾

嶷弟純字謀甫門宗最知名博學有才義爲世儒宗早
有公望 吳鈞齊春秋曰柳世隆字彥緒太尉元景弟

子也器望清華音吐雅潤宋孝武聞而竒之後爲虎威將軍上庸太守孝武謂元景曰卿昔以此職遂至公輔今復以加世隆令卿門三台不絕也 環濟要略云公者謂太師太傅太保也師王所尊也傅助王事保安也保王身也凡此皆內與王論道中參六官之事三公者象鼎三足共承其上也殷時有阿衡伊摯佐之太甲改爲保衡皆三公官也有三少少師少傅少保是爲三孤副助三公者也孤者不掌官傑然孤特 晉八王故事

曰太康七年正旦日蝕詔公卿大臣各上封事其咎安
在汝南王亮與司徒舒司空瓘上言三司之任天地人
也乾道不普故水旱爲災人倫失序故奸宄不禁乃者
荊州之城妖災仍興任城國都水流變赤延三朝之始
日有蝕之孟陽節過堅冰未消臣等瑣才叨優高位可
謂小人而乘君子之器宜就顯戮以答天意謹免冠徒
跣上所假章綬詔曰夫陰陽失序朕干天道刑政失中
之所致也其使冠履勿復道 應劭漢官儀曰今太尉

司徒下書州郡事文皆稱公蓋倉頡作書自環者謂之私背私者謂之公春秋九命作宰天子御坐即起其興爲下凡拜天子臨軒六百石以上悉會直事卿贊御史授公三讓然後乃受之漢禮儀曰天子稱尊號曰皇帝言曰制補制言曰詔稱民有言有辭曰陛下今皆施行詩云肅肅王命仲山甫將之邦國若否仲山甫明之詔令之義三公三人以承君蓋由鼎有足故易曰鼎象也徐廣衣服儀制云三公安車駕三特進駕二徐廣

車服儀制曰太康七年詔依舊三公既拜爲之小會

漢名臣奏事曰張禹奏臣聞天有三光以成其化方今三公之官不備丞相獨綱領天下萬事最衆多明不盡獨見誠非一人之所作也 史記曰甘茂學百家之說

秦使茂定蜀還而以茂爲左丞相以樗里子爲右丞相樗里子疾滑稽多智秦人號曰智囊事武王以爲丞相使以車百乘入周周以卒迎甚敬之昭王即位樗里益尊 史記曰穰侯魏冉者秦昭王母宣太后弟也昭

王十六年而冉相秦魏人范雎譏穰侯越三晉以攻齊
以此時干說昭王昭王用雎雎言宣太后專制穰侯擅
權於諸侯乃免相就封穰侯出關輜車千乘有餘 史
記曰李斯爲丞相置酒於家百官長皆前爲壽門廷車
騎以千數李斯喟然而歎曰嗟乎吾聞之荀卿曰物禁
太盛夫斯乃上蔡布衣閭巷之黔首上不知其駕下遂
擢至此當今人臣之位無居臣上者可謂富貴極矣物
極則衰吾未知所稅駕也 又曰趙高爲丞相欲爲亂

恐羣臣不聽乃先設驗持鹿獻於二世曰馬也二世笑
曰丞相誤耶謂鹿爲馬問左右左右或默或言馬阿趙
高或言鹿者高因陰中言鹿者以法 又曰元鼎五年

秋丞相有罪罷

按漢書丞相趙周坐酎金免補

制詔御史萬石君先帝

尊之子孫孝其以御史大夫石慶爲丞相 又曰韋丞

相賢者魯人也以讀書術爲吏至大鴻臚有相工相之

當至丞相有男四人使相工相之至第二子其名玄成

相工曰此子貴當封韋丞相言曰我即爲丞相有長子

是安從得之後竟爲丞相病死而長子有罪論不得嗣而立玄成玄成時佯狂不肯立竟立之有讓國之名又曰魏丞相者濟陰人以文吏至丞相其人好武皆令諸吏帶劍帶劍前奏事或有不帶劍者當入奏事至乃借劍而後敢入又曰匡衡爲御史歲餘韋丞相死衡代爲丞相封安樂侯以十年之間不出長安城門而至丞相豈非過時而命也哉皇甫謐帝王世紀曰伊尹爲丞相仲虺爲左丞相漢書秦置左右丞相文帝二年

復置一丞相有兩長史秩千石哀帝元壽更名大司徒
漢書曰王陵爲人少文任氣好直言爲右丞相高后
欲立諸呂爲王問陵陵曰高皇帝刑白馬而盟曰非劉
氏而王者天下共擊之今王呂氏非約也太后不
悅問左丞相陳平及絳侯周勃等皆曰高帝定天下王
子弟今太后稱制欲王昆弟諸呂無所不可太后喜罷
朝陵讓平勃曰始與高帝啖血而盟諸君不在耶今高
皇崩太后女主欲王呂氏諸君縱欲阿意背約何面目

見高帝於地下乎平曰於今面折廷爭臣不如君全社稷定劉氏後君亦不如臣陵無以應之 又曰文帝朝而問右丞相周勃曰天下一歲決獄幾何勃謝曰不知又問曰天下錢穀一歲出入幾何又謝曰不知汗出洽背愧不能答上亦問左丞相陳平平曰各有主者上曰主者爲誰乎平曰陛下即問決獄責廷尉問錢穀責治粟內史上曰苟各有主者而君所主何事也平謝曰主

臣

文穎曰惶恐之辭也猶今言死罪也孟康曰主臣主羣臣也若今言人主晉灼曰主擊也臣服也言其擊

服惶恐之辭師古曰
文晉二說是也補
陛下不知其駕下使待罪宰相夫

宰相者上佐天子理陰陽順四時下遂萬物之宜外鎮
撫四夷諸侯內親附百姓使卿大夫各得任其職也上
稱善勃大慙出而讓平曰君獨不素教我乎平笑曰君
居其位獨不知其任耶且陛下即問長安盜賊數又欲
強對耶於是絳侯自知其能不如平遠矣居頃之勃謝
病請免相而平頡爲丞相 又曰樊噲爲左丞相先黥
布反時高祖常病甚惡見人卧禁中詔戶者無得入羣

臣羣臣絳灌等莫敢入十餘日噲乃排闥直入大臣隨之上獨枕一宦者卧噲等見上流涕曰始陛下與臣等起豐沛定天下何其壯也今天下已定又何憊也且陛下病甚大臣震恐不見臣等計事顧獨與一宦者絕乎且陛下獨不見趙高之事乎高帝笑而起又曰張蒼陽武人也從攻南陽坐法當斬解衣伏質身長大肥白如瓠王陵見而怪其美乃言沛公赦之及貴父事陵陵死後蒼爲丞相洗沐常先朝陵夫人上食然後敢歸家

蒼爲丞相十餘年免相後口中無齒食乳女子爲乳母

蒼妻妾以百數嘗孕者不復幸補

年百餘歲乃卒 又曰王商字子威

涿郡人爲丞相有威重長八尺餘身體弘大容貌過人

單于來朝引見白虎殿商坐未央廷中單于前拜謁商

起離席與言單于仰視商貌大畏之遷延却退天子聞

而歎曰此真漢相矣 又曰王駿爲少府會御史大夫

缺薛宣爲少府月餘遂起御史大夫並居位八歲病卒

翟方進代駿爲大夫數月薛宣免遂代爲丞相衆人爲

駿恨不得封 又曰王嘉字公仲哀帝時爲丞相爲人
剛直嚴毅有威重上甚敬之

北堂書鈔卷五十